

詩林韶濩

四

卷九  
卷十



長洲顧嗣立



出使

冊立

勒碑

採書

頒曆附

唐

送翰林張司馬

一作學士

南海勒碑

相國製文

杜甫

送歸中丞使新羅冊立弔祭

吉中孚

送歸中丞使新羅冊立弔祭

耿漳

送歸中丞使新羅冊立弔祭

李益

送裴中丞出使

楊巨源

送于中丞入蕃冊立

朱慶餘

詩林韶馥卷第九目錄

送源中丞赴新羅

姚合

奉送職方崔員外攝中丞新羅冊使

竇常

送冊東夷王使

馬戴

送人入新羅使

李昌符

送入蕃使

來鵬

閩

天祐元年以右拾遺使冊閩王而作

翁承贊

奉使封閩王歸京洛

翁承贊

文明殿受冊封閩王

翁承贊

宋

厚卿子中使高麗

曾鞏

送子由使契丹

蘇軾

奉使留金金臣悟室求詩口占漫答

洪皓

金

奉使高麗過平州館

張翰

元

安南世子燕席索詩

李思衍

世子和前韻有自顧不才慙錫土只緣多病欠朝天之

句卽席次韻

李思衍

行贖有禮辭之世子舉陸賈事疊疊見愛謝絕以詩

詩林詔漢卷第九 目錄

二

李思衍

交趾朝地驛山名卽事

陳孚

交趾僞少保國相丁公文以詩餞行因次韻

陳孚

送王耕存使日本

張伯淳

送省郎楊耀卿使雲南

李材

送趙子期使交趾

陳旅

臘日入安南

傅與礪

七月十一日赴安南

傅與礪

書南寧驛

傅與礪

題天使館

傅與

送李中父典簿高麗頒曆

葛邏祿迺賢

送陳太祝使江浙收禮器樂書二首

貢師泰

送錫宗道奉使日南

李仲淵

送捧詔使

李仲淵

送南宮舍人趙子期出使安南

蘇天爵

送文郎中奉使交趾

薛玄曦

送陳都事使雲南兼寄李仲淵廉訪

薛玄曦

明

送葉判官赴高唐時使安南還

高啓

詩林詔讓卷第九 目錄

三

送周仲瞻架閣使高麗

陳汝言

送文淵閣待詔端孝文使朝鮮

王璉

送陳郎中重使西域三首

曾棨

送郊薦和奉使東萊

吳子孝

送顧太史冊封朝鮮

王士驥

贈大行詔使封夷

王樾登

軍旅

征伐 受降 奏凱 獻捷 勒石附

唐

軍師凱旋自邕州順流舟中

李嶠

侍宴旋師喜捷應制

韋安石

奉和御製旋師喜捷

裴 灌

奉和御製

裴 灌

奉和御製

韓 休

柏公軍發益州

王 維

今皇帝陛下 一詔徵兵 不日功集 河湟諸郡 次第歸

臣獲觀聖功 輒獻歌詠

杜 牧

八月十一日 駕幸延喜樓 看冠帶降戎 薛 逢

宋

依韻和元厚之內翰平羌

王 珪

依韻和蔡樞密岷峴恢復部落迎降

王 珪

蘇軾 蘇軾卷第九 目錄

四

聞种諤米脂川大捷

王 珪

和蔡副樞賀平戎慶捷

王 安石

次韻元厚之平戎慶捷

王 安石

猿鬼章二十韻

蘇 軾

元豐四年十二月二十日 謁王文甫於江南岸 坐上得

陳季常書報是月四日 陝西秦种諤領兵入界 殺西

夏六萬餘人 獲馬六十四匹 眾喜拊唱樂 各飲一巨觥

蘇 軾

見降羌感事

晁詠之

聞蜀道已平 獻馘廟社喜而有述

陸 游

班師

金

練軍太華山陰書蒲城縣壁

完顏奉國

元

始予發京師時已聞河南平章公克復濟南渠魁就擒  
計益都之寇可不煩餘力而下矣夫大將繫國家安  
危行當慎重為宗社計舟中有懷援筆為賦是又不  
能不留情也大將名察宰帖睦爾字廷瑞云

李士瞻

讀金太祖武元皇帝平遼碑

葛邏祿迺賢

詩林詔褒卷第九 目錄

五

聞寧都寇平

李存

題述律存道元帥平師宗三州卷後

張荔

乙未二月十九日喜雪適間道使齋至脫脫太師出征

詔因賦

袁泮

明

觀宜春侯旋師

楊基

大將軍徐丞相平定中原振旅還朝上御龍江亭命儒

臣賦詩迎之應制一首

魏觀

奉使還途中聞東征捷音

孫炎

西師

甘瑾

次將出師

甘肅

非捷應制

黃 哲

春日隨駕非征次清河

金幼孜

早發清河

金幼孜

次懷來

金幼孜

早發興和

金幼孜

誓師畢隨駕回營中馬上賦

金幼孜

次歸化甸

金幼孜

次永安甸

金幼孜

三月十七日送駕出德勝門

梁 潛

詩林龍漢卷第九 目錄

送胡學士金楊二侍講扈駕非代

黃 守

扈從晚宿夾溝

王 英

扈從度龍門作

王 英

嘉靖四年奉詔督師西征再蒙溫旨有趙充國馬援之

褒感而有述

楊一清

大駕非還

蔡 羽

南征行

程 誥

諸將入朝四首

何景明

大駕西狩還京百官出侯於德勝門二首

陳 沂

北狩凱旋歌

蔣山卿

雲中十二韻

楊慎

南征歌二首

唐順之

凱歌詞二首

黃佐

大司馬統師至姑蘇久旱霖雨適降

王問

武皇巡幸歌二首

謝榛

征南二首

岳岱

西夏凱歌

王穉登

聖上西巡歌

韓邦靖

元和聖德詩

并序

唐韓愈

附

韓愈詔慶第九目錄

七

獻平淮夷雅表一首

柳宗元

附

平淮夷雅二篇

皇武

方城

唐饒歌鼓吹曲十二篇

有表

柳宗元

附

晉陽武

獸之窮

戰武牢

涇水黃

奔鯨沛



苞枿

河右平

鐵山碎

靖本邦

吐谷渾

高昌

東蠻

射獵

講閱

合圍附

唐

玄武門侍射

并序

詩苑叢書卷第九 目錄

御箭連中雙兔

漢武出獵

御獵

從獵三首

宋

閱武堂

金

從獵口號四首

元

甘不刺川在上都西北七百里外董侯承旨扈從北迴

張說

八

蘇頲

錢起

王建

韓偓

孔平仲

李獻能

遇於榆林酒間因及今秋大獵之盛書六絕以紀其事

事

憶觀稼春蒐二首 并片

王 暉

御史登城南閱武亭

薩都刺

二月八日駕幸柳林

吳景奎

出獵圖

吳 浩

分府同知瑤童相公大閱之日天使適至喜而賦詩奉

寄劉賓旭參軍二首

郭 鉅

駕畋柳林隨侍

陳益稷 安南國王

明

蘇龍麓卷第九 目錄

九

圍獵

楊 榮

三月十日隨駕獵海子上奉簡胡學士楊庶子

楊 榮

扈從狩陽山次韻答胡學士

金幼孜

扈從再狩武岡次學士胡公韻

金幼孜

端午日賜觀射柳二首

王 英

駕歸自閱羣望于衢恭賦

徐 渭

晚出禁闥

李夢陽

長洲顧嗣立 俠君 類選

出使 冊立 勒碑 採書 頒曆附

送翰林張司馬 一云 學士 南海勒碑 相國 製文 唐杜甫

冠冕通南極文章落上台詔從三殿一作 天上去碑到百蠻開野館

濃花發春帆細雨來不知滄海上一作 使天遣幾時迴

送歸中丞使新羅冊立弔祭 吉中孚

官稱漢獨坐身是魯諸生絕域通王制窮天問水程島中分萬

象日處轉雙旌氣積魚龍窟濤飛水浪聲路長經歲去海盡向

山行復道殊方禮人瞻漢使榮

詩林韶漢卷第九 出使

送歸中丞使新羅冊立弔祭 耿 漳

遠國通王化儒林得使臣立君成典冊行弔奉絲綸雲水連孤

棹恩私在一身悠悠龍節去渺渺蜃樓新望裏山仍暮波中歲

又春昏明看日脚一作 脚 又作色靈怪問舟人城邑分華夏衣裳擬縉

紳他時命禮畢歸路不迷津

送歸中丞使新羅冊立弔祭 李 益

東望扶桑日何年是到時片帆通雨露積水隔華夷浩渺風來

遠虛明鳥去遲長波靜雲月孤島宿旌旗別葉傳秋意迴潮動

客思滄溟無舊路何處問前期

送裴中丞出使 楊巨源

一清淮甸假朝綱金印初迎細柳黃辭闕天威和雨露出關春色避風霜龍韜何必陳三畧虎旅由來肅萬方宣諭生靈真重任回軒應問石渠郎

送于中丞入蕃冊立

朱慶餘

上馬生邊思戎裝別衆僚雙旌銜命重空磧去程遙迥沒沙中樹孤飛雲外鷗蕃庭過冊禮幾日卻廻朝

送源中丞赴新羅

姚合

赤墀賜對使殊方官重霜臺紫綬光玉節在船清海怪金函開  
詔拜夷王雲晴漸覺山川異風便那一作寧知道路長誰得似君將雨露海東萬里灑扶桑

詩林詔護卷第九 出使

二

奉送職方崔員外攝中丞新羅冊使

竇常

帝命海東使人行天一涯辨方知木德開國有金家冊拜申恩重畱歡在限賒順風鯨浪熟初日錦帆斜夜色潛然火秋期獨往槎慰安皆喻旨忠信自無瑕髮美童年髻香參子月花便隨琛賁入正朔在中華

送冊東夷王使

馬戴

越海傳金冊華夷禮命行片帆秋色連萬里信潮生日映孤舟出沙連絕島明翳空翻大鳥飛雪噴一作灑長鯨舊鬢迴應改退荒夢易驚何當理風檝天外問來程

送人入新羅使

李昌符

雜林君欲去立冊付星軺越海程難計征帆影自飄望鄉當  
日懷闕羨迴潮宿霧蒙青嶂驚波蕩碧霄春生陽氣早天接  
洲遙愁約三年外相迎上石橋

送入蕃使

來鵬

獵獵旗旛過大荒敕書猶帶御爐香滹沱河凍軍迴探邏沙城  
孤鴈著行遠塞燒狂移帳幕平沙日晚卧牛羊早終冊禮朝天  
闕莫遣蚪顛染塞霜

天祐元年以右拾遺使冊閩王而作閩翁承贊

蓬萊宮闕曉光勻紅案昇麻降紫宸鸞奏八音諧律呂鳳銜五  
色顯絲綸蕭何相印鈎衡重韓信齋壇雨露新得侍丹墀官異

詩林詔獲卷第九

出使

三

寵此身何幸沐恩頻

奉使封閩王歸京洛

翁承贊

泥緘紫苔御恩光信馬嘶風出洛陽此去願言歸梓里預憑魂  
鄉雜桑客程回首瞻文陛驛路乘軺憶故鄉指日還家堪自  
重恩榮畫錦賀封王

文明殿受冊封閩王翁承贊

龍墀班聽漏聲長竹帛昭勳撲御香鳴佩洞庭辭帝主登車故  
里冊閩王一千年收江山瑞十萬軍蒙雨露光吟寄短篇追往  
事舊文功業不尋常

厚卿子中使高麗

宋曾鞏

並使時推出衆材異方迎拜六城開宣封直到東西部仗節遙  
臨大小梅滄海路從三島去玉山人待二星回黃金白璫饒君  
用銅器應餘寄我來

送子由使契丹

蘇軾

雲海相望寄此身那因遠適更沾巾不辭驛騎凌風雪要使天  
驕識鳳麟沙漠回看清禁月湖山應夢武林春單于若問君家  
世莫道中朝第一人

奉使留金金臣悟室求詩口占漫畱

洪皓

久持使節傍門庭薄命猶賒五鼎烹羝乳何心占北海雁書隨  
夢到京城莫言地廣頻修怨應念民勞早戢兵國寶善鄰君寶

詩林詔獲卷第九

出使

四

信坐鷹難老見昇平

奉使高麗過平州館

金張翰

昨日龍泉已自竒一峰寒翠歷簷低兼并未似平州館屋上層  
巒屋下溪

安南世子燕席索詩

元李思衍

乾坤氣運會貞元皓月騰空息瘴烟北關星馳新誥命南郊春  
轉舊山川存誠乃可必事帝保國無如是畏天光覲紫宸歸化  
錦山河帶礪保千年

世子和前韻有自願不才慙錫土只緣多病欠朝天之

句卽席次韻

李思衍

雨露汪洋普漢恩，鳳銜丹詔出紅雲。  
拓開地角皆和氣，淨挾天河洗戰塵。  
盡道璽書十行下，勝如琴殿五絃熏。  
乾坤兼愛無南北，何患雲雷復有屯。

行賡有禮辭之世子舉陸賈事臺臺見愛謝絕以詩

李思衍

綠壘南來奉玉音，九重慚怛爲民深。  
蜀人爰命相如檄，越使何求陸賈金。  
冰雪孤忠臣子事，乾坤生物帝王心。  
從今但得天從欲，航海梯山歲歲深。

交趾朝地驛山名卽事

陳孚

帝德堯同大山河，共一天璽書行萬里多。  
銅柱又千年赤幟，明雲

詩林韻藻卷第九

出使

五

際烏衣拜馬前，舞階干羽在未必賴樓船。

交趾僞少保國相丁公文以詩餞行因次韻

陳孚

一雨隨車洗瘴烟，大鵬還擊水三千。  
南來未了維摩病，北渡

去空思達磨禪。使節尋常銅柱外，天威咫尺玉階前。  
臨歧握手

無他話，一作語畱取忠貞照莫年。

送王耕存使日本

張伯淳

要將談笑息兵端，此舉能爲世所難。  
數日南風傳號令，一時東海識衣冠。  
人言蘇武持旄去，我作廉功買磬看。  
名遂願公身早

退，送行不特勸加餐。

送省郎楊燿卿使雲南

李材

飄飄使節出金閨  
郭隗臺前暫解攜  
天入五溪無雁到  
地經三峽有猿啼  
子雲舊里風烟在  
太尉家聲日月齊  
後夜客棹何處望  
秋河迢遞碧雲低

送趙子期使交趾

陳旅

曉日承恩紫殿深  
都門祖道馬駸駸  
上書不奏唐蒙策  
歸橐寧將陸賈金  
露入珠盤斂室白  
苔生銅柱象崖陰  
爲君臨水歌黃鵠  
天北天南萬里心

臘日入安南

傅與礪

冬入安南國雲迎  
使者輶郡聞秦日  
置柱想漢時標江  
路篁猶

詩林詔漢卷第九 出使

六

犇山田稻始苗皇恩涵遠爾行役不辭遙

七月十一日赴安南

傅與礪

燕城秋早五雲開  
路入南交幾月回  
奉使始從天上出  
行人即看日邊來  
班超萬里終投筆  
郭隗千金更築臺  
聖主恩深極炎海  
伏波銅柱任蒼苔

書南寧驛

傅與礪

歲晚驅馳憶帝京  
北風回首重關情  
中天日月迴金闕  
南極星辰繞玉衡  
父老尙煩司馬檄  
蠻夷須用伏波兵  
也知文德能柔遠  
傳道新恩欲罷征

題天使館

傅與礪



元統三年頒正朔詔書遠到極南開使旌入館青雲動仙蓋臨  
江白日迴諭蜀豈勞司馬檄朝周終見越裳來還家耆舊應相  
問文化如今徧九垓

送李中父典簿高麗頒曆

葛邏祿迴賢

候儀太史立金鑿寶曆新成錦作槃天子垂衣朝萬國中郎仗  
節使三韓蛟人夜織機聲近龍女晨遊珮影寒獨捧絲綸渡遙  
海遠人逾覺聖恩寬

送陳太祝使江浙收禮器樂書二首

貢師泰

天子齋明奉宗廟容臺祇飭備儀章雲雷出地雕彝鼎日月懸  
天畫袞裳驛騎晝停山木蔭船窗風度水花涼過家莫醉紅樓

詩林詔漢卷第九

曲使

月上國迴鸞欲禱嘗

七

六月樓船泛御河太平樂譜自編摩鳳鳴嶰谷曾吹律馬出蒲  
梢更作歌古尺要將諸部定新聲還用四清和器成蚤入神庭  
奏人頌明時瑞應多

送鍾宗道奉使日南

李仲淵

一介強於十萬兵秋風持節使蒼冷可容贊普窺唐壤要遣莎  
車拜漢廷蜃吐瘴烟黎淚暗鯨掀巨浪海雲腥元戎已辦安邊  
策萬古千秋汗簡青

送捧詔使

李仲淵

霜落澄江水似藍江亭折柳送頽參五條溫詔頒天北一棹清

風下斗南父老疲癯沾利澤山川勝槩入豪譚榆城好過黃花  
節金碧臺高酒半酣

送南宮舍人趙子期出使安南

蘇天爵

聖德隆千古皇威奠九壘金門頒鳳詔玉節使龍編博雅資專  
對才華屬妙年郎中初遴選省府昔周旋文治中華盛仁恩漠  
國宣清風消瘴雨麗月淨蠻烟跋涉思銅柱委蛇跨錦鞵堯天  
新正朔禹貢舊山川聲語時難解雕題倍可憐明年春色早歸  
拜御階前

送文郎中奉使交趾

薛玄曦

天子龍飛統萬邦玉符封檢下殊方遠人盡是雕題獠奉使唯  
詩林韶藻卷第九 出使

八

應粉署郎翡翠飛時銅柱涇鷓鴣嗁處石門荒炎風苦雨煩珍  
重萋葉檳榔取次嘗

送陳都事使雲南兼寄李仲淵廉訪

薛玄曦

送君銓選使滇池一作溪部落諸賢想自一作夷題明月先經一作

夢夔子北長風卻一作吹度夜郎西山橫一作涵塞雨驛驪滑花

發一作蠻雲柱宇嗁為問霜臺李廉訪一作學士白頭官滿尚羈縻

送葉判官赴高唐時使安南還

明高啟

銅柱崖前使節過貢隨歸騎入京多一官暫遣陪戎瑁片語曾  
煩下趙陀曉拜賜衣辭絳闕秋催征棹渡黃河政餘好賦登臨

詠聞說州人最善歌

送周仲瞻架閣使高麗

陳汝言

萬里三韓國南風幾日程海平鯨室淨天近使星明玉帛通新  
好梯航績舊盟歸時應不遠還與雁南征

送文淵閣待詔端孝文使朝鮮

王璫

扶桑日出曙光寒帆挂長風積水寬漢武開邊分四郡聖朝遣  
使撫三韓河山誓重畿封遠雨露恩浚島部安想見藩臣迎節  
下猶存黼毋舊衣冠

送陳郎中重使西域三首

曾榮

曾驅死馬入神京拜命重爲萬里行河隴壺漿還出候伊西部  
落總知名天連白草寒沙遠路繞黃雲古積平卻憶漢家勞戰  
伐道傍空築受降城

詩林詔漢卷第九 出使

九

玉關迢遞塞雲黃西涉流沙道路長山繞高昌遺碣在草遮姑  
默廢城荒閑聽羌笛多乘月暗卷戎衣半帶霜不用殷勤通譯  
語相逢總是舊蕃王

重宣恩詔向窮邊蕃落依稀似昔年酋長拜迎張綉幌羌姬歌  
舞散金錢葡萄夜醉氍毹月駮裊晨嘶首稽烟百寶嵌刀珠飾  
靶部人知是漢張騫

送郊薦和奉使東萊

吳子孝

上宰承周賄王官抱楚才堂封鸞詔下鏡吹錦帆開海汝魚龍  
夜仙官日月臺相如誇負弩於節幾時廻

蔥秀山頭麗山曉色鮮月明茅屋麗船漢江船登臨縱發揮毫興莫  
許陪臣有和篇

贈太行詔使封夷

王穉登

口奉天言下玉京滄溟萬里是王程衣裳盡帶魚龍氣鼓吹皆  
含波浪聲漢使樓船疑蜃吐夷王宮殿駕鼇成胡商海客如相  
問但說中朝稅法輕

軍旅

征伐

受降

奏凱

獻捷

勒石附

軍師凱還自邕州順流舟中

唐李嶠

鳴鞞入嶂口汎舸歷川澗尙想江陵陣猶疑下瀨師岸迴帆影

詩林詔箋卷第九

軍旅

十

疾風送鼓聲遲蘋葉沾蘭槳林花拂桂旗弓鳴蒼隼落劍運白  
猿悲芳樹吟羌管幽篁入楚詞一作祠全軍多勝策無戰在明時  
寄謝山東妙長纓徒自期

侍宴旋師喜捷應制

韋安石

蜂蟻屯夷落熊羆逐漢飛忘軀百戰後屈指一季歸厚眷紆天  
藻溪慈解御衣興酣歌舞出朝野歎光輝

奉和御製旋師喜捷

裴漼

殊類驕無長王師示有征中軍纔受律妖寇已亡精斬還遮  
塞綏降更築城從來攻必克天策振奇兵

奉和御製

裴漼

玄漢聖恩通由來書軌同忽聞窺月滿相聚寇雲中廟畧占黃  
氣神兵出絳宮將軍行逐 使者亦知戎一舉輶韞滅再麾沙  
朔空直將威禁暴非用武 雄飲至明軍禮齎勳錫武功干戈  
還載戢文德在唐風

奉和御製

韓休

南牧正紛紛長河起塞氛王兵徵選士金鉞拜將軍疊鼓遙邊  
吹連旌暗朔雲祆星乘夜落吉氣入朝分始見幽烽警俄看烈  
火焚功成奏凱樂戰罷策歸勳盛德陳清廟神謨屬大君叨榮  
逢姬伯率舞詠時文

相公軍發益州

王維

詩集詔凌參第九

單旅

士

相國臨戎發帝京擁旄持節遠橫行朝登劍閣雲隨馬夕渡巴  
江雨洗兵山花萬朶迎征蓋川柳千條拂去旌暫到蜀城應計  
日須知明主待持衡

今皇帝陛下 一詔徵兵不日功集河湟諸郡次第歸降

臣獲覩聖功輒獻歌詠

杜牧

捷書皆應睿謀期十萬曾無一鏃遺漢武慚誇朔方地宣王休  
道太原師威加塞外寒來早恩入河源凍合遲聽取滿城歌舞  
曲涼州聲韻喜參差

八月一日駕幸延喜樓看冠帶降戎

薛逢

城頭旭日照關干城下降戎綵仗攢九陌塵埃千騎合萬方臣

妾一聲歡樓臺乍仰中天易衣服初迴左袵難清水莫教波浪濁從今赤嶺屬長安

依韻和元厚之內翰平羌

宋王珪

詔收新土鳳林東四百餘年陷犬戎蔥嶺自橫秦塞上金城還落漢圖中輕裘坐嘯無餘粟解髮來庭有舊風零雨未蒙音已捷不勞歸旅詠周公

依韻和蔡樞密岷洮恢復部落迎降

王珪

河湟形勝歷西陲忽覺連營列漢旗天子坐籌星兩兩將軍解佩印纍纍稱觴別殿傳新曲銜璧名王按舊儀江漢一篇猶未美周宣方事伐淮夷

詩林詔藁卷第九

軍旅

三

聞神諤米脂川大捷

王珪

神兵十萬忽乘秋西磧妖氛一夕收匹馬不斷榆塞外長城自

起玉關頭

兵未進討邊人望見漢城列時西界中

君王別繪凌烟閣將帥今輕定

遠侯莫道無人能報國紅旗行去取涼州

和蔡副樞賀平戎慶捷

王安石

城郭名王據兩陲軍前一日送降旗羌兵自此無傳箭漢甲如今不解纍幕府上功聯舊代廟廷稱慶具新儀周家道泰西戎隊還見詩人詠串夷

次韻元厚之平戎慶捷

王安石

朝廷今日四夷功先以招懷後殪戎胡地馬牛歸隴底漢人烟

火起涅中殺戈更講諸儒蕤免胄爭趨上將風文武佐時慚古  
甫宣王征伐自膚公

獲虎章二十韻

蘇軾

青雲有連寇白首已窮妖竊據臨洮郡潛通講渚橋廟謀周召  
虎邊帥漢班超堅壘千兵破連航一炬燒擒姦從窟穴奏捷上  
烟霄詭異人圖像歡娛路載謠千誅非一事伐叛自先朝取道  
經陵寢前期告廟祧西來聞幾日面縛見今朝二聖臨雲陞千  
官溢海潮載囚車輾輓失主馬蕭條橫拜如蹲犬胡裝尙衣貂  
理卿辭具服譯長舌初調緩死恩殊厚求生尾屢搖慈仁逢太  
母寬厚載唐堯赤手真擒虎和美未賜臬藁街虛授首東市偶  
全腰困獸何須殺遺雛或可招威聲西振夏武節北通遼帝道  
有強弱天時或長消羌情防報復軍勝忌矜驕慎重關西將奇  
功勿再要

蘇詔漢卷第九

軍旅

三

元豐四年十二月二十日謁王文甫於江南岸坐上得

陳季常書報是月四日陝西奏種諤領兵入界殺西

夏六萬餘人獲馬六十匹衆喜拊唱樂各飲一巨觥

聞說官軍取乞聞將軍旗鼓捷如神故知無定河邊柝得共中

原雪絮春

見降戎感事

晁詠之

沙場尺箠致羌渾玉陛朝趨雨露恩自笑百年家鳳闕一生腸

聞蜀道已平獻馘廟社喜而有述

陸游

北伐西征盡聖謨天聲萬里慰來蘇橫戈已見吞封豕徒手何  
難取短狐學士誰陳平蔡雅將軍方上取燕圖老生自憫歸耕  
久無地能捐六尺軀

班師

呂定

紫塞回鑾雪正晴王師百萬擁連營馬嘶大地山河壯旗卷長  
空日月明龍虎臺高千嶂聳鳳皇城近五雲生聖顏有喜天心  
順中外歡聞奏凱聲

練軍太華山陰書蒲城縣壁

金完顏奉國

詩林韶漢卷第九

軍旅

四

闔兵肄武躍驂驢仰視蓮峯矚碧流縱是邊陲狼燼滅暫誼輦  
鼓角聲幽如貌似虎威風銳積玉堆藍爽氣浮未老君恩須重  
報終焉更卜隱巖陬

始余發京師時已聞河南平章公克復濟南渠魁就擒  
計益都之寇可不煩餘力而下矣夫大將繫國家安  
危行當慎重爲宗社計舟中有懷援筆爲賦是又不  
能不畱情也大將名察罕帖睦爾字廷瑞云

元李士瞻

久聞大將下山東一戰名成破竹中調度敢煩廊廟計疇咨仍  
藉相臣功宣光接武揚先烈方虎聯勳振古風宗社有靈須慎



重毋勞親手定雌雄

讀金太祖武元皇帝平遼碑 在南城豐宜門外金史臣韓防撰字文虛中書

葛邏祿迺賢

千丈豐碑勢倚空  
風雲猶憶下遼東  
百年功業秦皇帝  
一代文章太史公  
石斷龍鱗秋雨後  
苔封鼉背夕陽中  
行人立馬空惆悵  
禾黍離離滿故宮

聞寧都寇平

李存

八州諸將聚英豪  
十萬官軍入不毛  
瘴野戰塵連地起  
轅門殺氣共秋高  
滿營虓虎兼旬奮  
待命鼙鼓半夜號  
擬爲廟堂宜露布  
紫微溪處醉葡萄

詩林韶慶卷第九 翼旅

五

題述律存道元帥平師宗三州卷後

張嘉

不用牙璋遠出師  
將軍憑軾下 一作定 邊陲  
棘酋爭敵金盤血  
漢

使高懸玉帳旗  
司馬文章傳太史  
武侯威略震南夷  
只今父老

蘭滄上擬刻寧蠻第一碑

乙未二月十九日 喜雪適開道使賁至脫脫大師出征詔因賦 袁泮

紛紛朔雪南飛夜  
萬里河山總漢朝  
鐵馬渡江春陣合  
玉龍吹海曙  
光搖中天氣正妖  
氛豁南國春深瘴  
厲消最喜天威行  
肅殺布衣有分樂  
漁樵

觀宜春侯旋師

明楊基

瘴地收蠻後  
烟江棹槳過  
旌旗皆繡虎  
鼓角半吹螺  
聖化方無

外民心詎有訛馬循歸路熟人比去時多喜氣浮三峽軍聲動  
九河遙知雙闕下齊進太平歌

大將軍徐丞相平定中原振旅還朝上御龍江亭命儒

臣賦詩迎之應制一首

魏觀

白旄黃鉞兩京平甘雨和風四海清師出萬全非用武將資三  
傑在推誠蒼龍挾雨迎車騎彩鳳穿雲送旆旌獻頌偶蒙天  
笑行看作樂著功成

奉使還途中聞東征捷音

孫炎

南來萬馬淨邊塵 璧歸朝盡大臣城上玉繩浮婺女帳前銀  
甲擁天人出師已畧扶桑國奉使須通析木津遂有江黃慕中

詩林韶濩卷第九 軍旅

六

夏可無書檄諭全闕

西師

甘瑾

中興實藉羣公力反正終歸萬姓心霧雨銅標蠻徼闕山河鐵  
券漢恩深明珠翡翠殊方入天馬蒲萄遠使臨北極卽瞻佳麗  
氣南雲足聽凱歌音

大將出師

甘瑾

九重飛詔紫泥新帝命南征遣大臣官霧迴回銀甕暎江花初  
報錦袍春蠻烟瘴雨驅車遠朔雪燕雲送捷頻汗馬功成催入  
覲汾陽勛業照麒麟

北捷應制

黃哲

王師幾日定秦郵詔發奇兵出壽州橫海樓船通楚甸羽林旌  
節渡淮流胡笳慘動關山月戎帳威傳草木秋聞道鷹揚能奮  
迅思歸燕將莫夷猶

春日隨駕北征次清河

永樂八年

金幼孜

萬乘統元戎鳴鑾出九重  
暝塵生輦路晴雪照行宮  
旗影西山外笳聲落照中  
書生懷脫略須敵萬夫雄

早發清河

金幼孜

海色正蒼涼龍旂拂曙光  
彫戈寒映日羽箭薄凝霜  
城闕雲中近關山笛裏長  
天兵隨殺氣萬里埽攙搶

次懷來

金幼孜

詩林韻藻卷第九

軍旅

七

羽檄通宵急行宮出每遲  
漏聲催鼓角月影上旌旗  
風逐天香近星隨斗枋移  
中軍嚴宿衛傳警盡熊羆

早發興和

金幼孜

未曉戒嚴程鳴弓度塞城  
川雲隨地起野火雜星明  
虎旅聽笳動鑾旗傍蹕行  
草清沙路軟渾覺馬蹏輕

誓師畢隨駕回營中馬上賦

金幼孜

萬里陰山道平原入望賒  
天營高日月輦路淨風沙  
寶馬銜金勒蒼龍繞翠華  
陽和隨虎滿草色遍天涯

次歸化甸

金幼孜

御前傳檄罷歌馬卸鞍驕  
日落雙旌晚雲開萬幕連  
邊聲迴朔

吹塵色蔽胡天敵，愜心猶切長歌非伐篇。

次永安甸

卽三  
奴口

金幼孜

大幕塵清，氣摧六師奏凱。六龍迴妖氛，埽地旄頭滅。御氣浮空，雉尾來武帳。平臨天漢，迴戍樓遙。傍朔雲開，行人笑指京華。近北望紅雲擁上台。

三月十七日送駕出德勝門

梁潛

煌煌旄鉞發，平明萬里河山錦。繡迎王氣浮，天隨寶纛虹光拂。地護龍旌玉關指，日看歸馬青海無。波待洗兵，萬姓歡呼傳捷報。六軍歌舞入瑤京。

送胡學士楊金二侍講扈駕北伐

黃守

詩林留卷第九

軍旅

大

六師北伐繞龍城，遙羨詞臣扈蹕行。兵略曾從圯上得，檄書多向御前成。黃沙白草雲隨馬，畫戟雕戈雪照營。應想居庸關外路，東風歸旆凱歌聲。

扈從晚宿夾溝

王英

初雨過符離雲霞望欲迷，垂鞭信馬去傍輦。聽鸞唳山繞行營外，溪迴帳殿西夜溪。聞鼓角天近月華低。

扈從度龍門作

王英

邊塞山川壯關城，地勢雄崖傾開鳥道。路險瞰龍宮，後隊千旗擁前驅。一騎通紆迴，多傍澗登陟半。凌空雨霽巖前霧，香飄樹杪風雲隨。仙仗白花映御衣，紅景屬陽和。後恩覃化育，中臨高

須刻石從此紀神功

嘉靖四年奉詔督師西征再蒙溫旨有趙克國馬援之  
褒感而有述

楊一清

西北風塵帝顧多老臣承詔出巖阿便宜欲上趙充國矍鑠還  
非馬伏波十乘戎行新節鉞三邊精采舊關河極知君命如山  
重感激渾忘兩鬢皤

大駕北還

蔡羽

鑾輿北渡五雲移親聽鏡歌海上吹黃道香風鳴寶鉞翠華秋  
日到瑤池千官喜得金門詔南國新傳赤雁詩六郡良家齊解  
甲騶虞旗卷犒王師

詩林韶雅卷第九

軍旅

九

南征行

程誥

新河命將出屯營畫戟瑯弓耀日明洗馬真臨江漢水擒蛟空  
擣豫章城

諸將入朝四首

何景明

大將龍旗朝帝京至尊親遣近臣迎侍中獨領嫖姚部戰馬皆  
歸龍虎營

闕下千官侍鳳樓苑中天子建龍旂豹房虎圈先班賞武帳前  
邊賜姓侯

河非諸軍盡有名雲中驍騎本輕生金裝白馬翩翩出不見長

安子弟兵

少年生長在邊城介冑南征蟻蝨生馬上朝來橫吹曲梅花一半是吳聲

大駕西狩還京百官出候于德勝門二首

陳沂

直望氤氳紫霧遙萬重飛轆馬蕭蕭駕班虎隊皆戎服兩度迎  
鑿德勝橋

逐隊緋袍引上公當街行酒獻成功人人識得君王喜醉入仙

桃兩朶紅

北狩凱旋歌

蔣山卿

紫雲雪後繞關山聖主巡遊尙未還風起滿城聞鳳吹日高平

詩林龍卷第九 軍旅

地識龍顏

雲中十二韻

楊慎

天子雲中狩將軍久未還律吹玄兔塞旗繞白狼山風火燒荒  
急星辰過隊閑燕支雷馬首蘇絡醉龍顏清樂千門運黃金萬  
鎰頒雪滾懷續祭月滿憶刀鐶牙烏嚴宵仗宮鴉卷曉班奏回  
青瑣闥捷報紫金關斨力休明鎧歡聲洽禁闕功牌銀燦燦賀  
障錦編爛日轉虞巡外春流鎬宴聞戢戈行有頌神武徧人寰

南征歌二首

唐順之

詔錫彤弓出禁城良家六郡總從行將軍舊佩平蠻印校尉新

開橫海營

草木千山鼓角風將軍牧馬夜郎東靈臺向夕占星色已報  
擒墮海中

凱歌詞二首

黃佐

孝陵松柏貼青霄鳳輦龍旗久寂寥百歲遺黎應感歎神孫英  
武似先朝

錦鞮白馬出新河簇隊吳娃善凱歌譜得昇平新樂府內家休  
按舊雲和

大司馬統師至姑蘇久旱霖雨適降 王問

方召佐周宣王師動以天式瞻靈雨降恰在福星前殺氣窮桑  
海華滋潤芋田山農有謠頌應竝凱歌傳

詩林詔卷第九 軍旅

三

武皇巡幸歌二首

謝榛

神武驅兵日南征氣赫然射蛟江水上立馬石城邊羽檄飛三  
楚霓旌拂九天功成凱歌夜皓月送樓船

齊魯巡遊地蒼生見紫微晴雲隨鷁舫春水照龍衣柳畔千官  
擁沙邊七校圍觀魚移白日鼓吹月中歸

征南二首

岳岱

總戎雲鳥肅風翔司馬兵符出未央春去旌旄臨海甸雪消兵  
馬向蠻方漢家漠漠堯封遠天子矐矐舜日光不道野人憂戰  
伐月明江漢鬢蒼蒼

安南易姓舊相仍封錫還應到海濱萬里版圖曾郡邑殊方小

醜亦君臣炎風毒霧煩諸將翠羽明珠入紫宸想見乞降矜直  
縛天威此日轉陽春

西夏凱歌

王穉登

聖人親御鳳皇樓太白旗懸叛將頭十道使臣持露布春風一  
日滿神州

聖上西巡歌四首

韓邦靖

聖皇神武自天成遊擊兵威舊有名一騎獨馳三百里日斜同  
上廣洋城

邊軍隨駕盡鷹揚馬上文臣亦武裝雲繞旌旗來五柞春隨籥  
鼓到長楊

詩林詔漢卷第九

軍旅

三

渥洼龍馬屬天閑沙苑牛羊入大官八府三邊俱望幸九重十  
月未回鑾

文皇帝社萬年長形勝幽燕天下強西伐東征俱已了好揮十  
羽坐明堂

元和聖德詩

并序

唐韓

愈

附

臣愈頓首再拜言臣伏見皇帝陛下卽位已來誅流姦臣朝  
廷清明無有欺蔽外斬楊惠琳劉闢以收夏蜀東定青徐積  
年之叛海內怖駭不敢違越郊天告廟神靈歡喜風雨晦明  
無不從順太平之期適當今日臣蒙被恩澤日與羣臣序立  
紫宸殿陛下親望穆穆之光而其職業又在以經籍教導國



子誠宜率先作歌詩以稱道盛德不可以辭語淺薄不足以  
自效爲解輒依古作四言元和聖德詩一篇凡千有二十四  
字指事實錄具載明天子文武神聖以警動百姓耳目傳示  
無極其詩曰

皇帝卽作物無違拒曰暘而暘曰雨而雨維是元年有盜在夏  
欲覆其州以踵近武皇帝曰嘻豈不在我負鄙爲羶縱則不可  
出師征之其衆十旅軍其城下告以福禍腹敗枝披不敢保聚  
擲首俾外降幡夜豎疆外之險莫過蜀土韋臯去鎮劉闢守後  
血人于牙不宥吐口開庫啗士曰隨所取汝張汝弓汝鼓汝鼓  
汝爲表書求我帥汝事始上聞在列咸怒皇帝曰然嗟遠士女

蘇詔漢卷第九

軍旅

三

苟附而安則且付與讀命于庭出節少府朝發京師夕至其部  
闡喜謂黨汝振而伍蜀可全有此不當受萬牛鬻炙萬甕行酒  
以錦纏股以紅帕首有愜其兇有餌其誘其出穰穰隊以萬數  
遂劫東川遂據城阻皇帝曰嗟其又可許爰命崇文分卒禁禦  
有安其驅無暴我野日行三十徐壁其右闢黨聚謀鹿頭是守  
崇文奉詔進退規矩戰不貪殺擒不濫數四方節度整兵頓馬  
上章請討俟命起坐皇帝曰嘻無汝煩苦荆并洎梁在國門戶  
出師三千各選爾醜四軍齊作殷其如阜或拔其角或脫其距  
長驅洋洋無有齟齬八月壬午闢棄城走載妻與妾包裹稚乳  
是日崇文入處其宇分散逐捕搜原剔藪闢窮見窘無地自處

俯視大江不見洲渚遂自顛倒若杵投白取之江中柳楛械手  
婦女纍纍號哭拜叩來獻闕下以告廟社周示城市咸使觀觀  
解脫纒索夾以砧谷婉婉弱子赤立偃偃牽頭曳足先斷腰脊  
次及其徒體骸撐拄末乃取鬪駭汙如寫揮刀紛紜爭刳膾脯  
優賞將吏扶珪綴組帛堆其家粟塞其庾哀憐陣歿廩給孤寡  
贈官封墓周市宏溥經戰伐地寬免租簿施令酬功急疾如火  
天地中間莫不順序幽恒青魏東盡海浦南至徐蔡區外雜虜  
怛威報德踧踖蹈舞掉棄兵革私習篋篋來請來覲十百其耦  
皇帝曰吁伯父叔舅各安爾位訓厥眈眈正月元日初見宗祖  
躬執百禮登降拜俯薦于新宮視瞻梁杞感見容色淚落入俎

詩林韶濩卷第九

軍旅

三

侍祠之臣助我惻楚乃以上辛於郊用牡除于國南鱗筍毛簾  
廬幕周施開揭磊砢獸盾騰挈圓壇帖妥天兵四羅旂常婀娜  
駕龍十二魚魚雅雅宵升于丘奠璧獻尊衆樂驚作轟厖融冶  
紫燄噓呵高靈下墮羣星從坐錯落侈侈日君月妃煥赫嫋嫋  
瀆鬼濛鴻嶽祗業莪飮沃羶薌產祥降嘏鳳皇應奏舒翼自拊  
赤鱗黃龍遠陀結糾鄉士庶人黃童白叟踊躍歡呀失喜噎歐  
乾清坤夷境落褰舉帝車迴來日正當午幸丹鳳門大赦天下  
滌濯剗破磨滅瑕垢續功臣嗣拔賢任耆孩養無告仁滂施厚  
皇帝神聖通達今古聽聰視明一似堯禹生知法式動得理所  
天錫皇帝爲天下主并包畜養無異細鉅億載萬年敢有違者

皇帝儉勤盟濯陶瓦斥遣浮華好此纘紉救戒四方侈則有咎  
天錫皇帝多麥與黍無召水旱耗于雀鼠億載萬年有富無窶  
皇帝正直別白善否擅命而狂旣翦旣去盡逐羣茲靡有遺侶  
天錫皇帝龐臣碩輔博問遐觀以置左右億載萬年無敢余侮  
皇帝大孝慈祥悌友怡怡愉愉奉太皇后浹于族親濡及九有  
天錫皇帝與天齊壽登茲太平無忘永久億載萬年爲父爲母  
博士臣愈職是訓詁作爲詩歌以配吉甫

獻平淮夷雅表一首

柳宗元

附

臣宗元言臣負罪竄伏違尙書牋秦十有四年聖恩寬宥命  
守遐壤懷印曳綬有社有人臣宗元誠感誠荷頓首頓首伏

詩林韶獲卷第九

軍旅

五

惟睿聖文武皇帝陛下天造神斷克清大憝金鼓一動萬方  
畢臣太平之功中興之德推校千古無所與讓臣伏自忖度  
有方剛之力不得備戎行致死命况今已無事思報國恩獨

惟文章伏見周宣王時稱中興其道彰大于後罕及然徵於  
詩大小雅其選徒出狩則車攻吉日命官分土則崧高韓奕  
烝人南征非伐則六月采芑平淮夷則江漢常武鏗鉦炳耀  
盪人耳目故宣王之形容與其輔佐由今望之若神人然此  
無他以雅故也臣伏見陛下自卽位以來平夏州夷劍南取  
江東定河非今又發自天衷克翦淮右而大雅不作臣誠不  
佞然不勝憤懣伏以朝多文臣不敢盡專數事謹擬平淮夷

雅二篇雖不及尹吉甫召穆公等庶施諸後代有以佐唐之  
光明謹昧死再拜以獻臣宗元誠恐誠懼頓首頓首謹言

平淮夷雅二篇

皇武命丞相度董師集大功也

皇耆其武于殷于淮旣巾乃車環蔡其來狡衆昏闇甚毒于醒  
狂奔叫呶以于大刑皇咨于度惟汝一德曠誅四紀其後汝克  
錫汝斧鉞其往視師師是蔡人以宥以釐度拜稽首廟于元龜  
旣禡旣類于社是宜金節煌煌錫盾雕戈犀甲熊旂威命是荷  
度拜稽首出次于東天子餞之罍尊是崇鼎臠俎載五獻百籩  
凡百卿士班以周旋旣涉于滄乃翼乃前孰圖厥猷其佐多賢

詩林詔囊第九

單族

三

宛宛周道于山于川遠揚邇昭陟降連連我旆我旗于道于陌  
訓于羣帥舉勇來格公曰徐之無恃額額式和爾容惟義之宅  
進次于郟彼昏卒在哀兇鞠頑鋒蝟斧蟾赤子匍匐厥父是亢  
怒其萌芽以悖太陽王旅渾渾是佚是怙旣獲敵師若饑得餽  
蔡兇伊窘悉起來聚左擣其虛靡愆厥慮載闢載衽丞相是臨  
弛其武刑諭我德心其危旣安有長如林曾是誰誆化爲謳吟  
皇曰來歸汝復相予爵之成國胙以夏區度拜稽首天子聖神  
度拜稽首皇祐下人淮夷旣平震是湖南宜廟宜郊以告德音  
歸牛休馬豐稼于野我武惟皇永保無疆

方城命愬守也卒入蔡得其大醜以平淮右

方城臨臨王卒峙之匪徼匪競皇有正命皇命于愬徃舒余仁  
踣彼艱頑柔惠是馴愬拜即命于皇之訓旣礪旣攻以從厥刃  
王師疑嶷熊羆是式銜勇蹈力日思予殛寇昏以狂敢蹈愬疆  
士獲厥心大袒高驤長戟酋矛粲其綬章右翦左屠聿禽其良  
其良旣宥告以父母恩柔于肌卒貢爾有維彼攸恃乃偵乃誘  
維彼攸宅乃發乃守其恃爰獲我功我多陰謀厥圖以究爾詭  
雨雪洋洋大風來加于燠其寒于邇其退汝陰之茫懸瓠之戟  
是震是拔大殲厥家狡虜旣糜輪于國都示之市人卽社行誅  
乃諭乃止蔡有厚喜完其室家仰父俯子汝水云云阮清而瀾  
蔡人行歌我步逶遲蔡人歌矣蔡風和矣孰類蔡初胡窺爾居  
式慕以康爲願有餘是究是咨皇德旣舒皇日咨愬裕乃父功  
昔我文祖惟西平是庸內誨于家外刑于邦孰是蔡人而不率  
從蔡人率止惟西平有子西平有子惟我有臣疇允大邦俾惠  
我人于廟告功以顧萬方

右方城十有一章章八句

宋元本皆止存十章

唐饒歌鼓吹曲十二篇

柳宗元

附

負罪臣宗元言臣幸以罪居永州受食府廩竊活性命得視

息無治事時恐懼小閒又盜取古書文句聊以自娛伏惟漢

魏以來代有饒歌鼓吹詞惟唐獨無有臣爲郎時以太常聯

禮部嘗聞鼓吹署有戎樂詞獨不列今又放漢曲十二篇而無由魏曲十四篇晉曲十六篇漢歌詞不明紀功德魏首歌功德具今竊取晉魏義用漢篇數爲唐饒歌鼓吹曲十二篇紀高祖太宗功能之神奇因以知取天下之勤勞命將用師之艱難每有戎事治兵振旅幸歌臣詞以爲容且得大戒宜敬而不害臣淪弃卽死言其罪等耳猶冀能言有益國事不敢效怨懟然已謹冒死上

隋亂旣極唐師起晉陽平姦豪爲生人義主以仁興武  
爲晉陽武第一

晉陽武奮義威煬之渝德焉歸氓畢屠綬者誰皇烈烈專天機

蘇詔慶卷第九

單旅

天

號以仁揚其旗日之升九土晞訴由坵流洪輝有其二翼餘隋  
斷臬驚連熊螭古以肉勅者羸后土蕩玄穹彌合之育莽然施  
惟德輔慶無期

右晉陽武二十六句

句三  
字

唐旣受命李密自敗來歸以開黎陽斥東土爲獸之窮

第二

獸之窮奔大麓天厚黃德狙獷服甲之囊弓弭矢箠皇旅靖敵  
逾厥目亡其徒匪余戮屈賢猛度慄慄靡以尺組噉以秩黎之  
陽土茫茫富兵戎盈倉箱乏者得莫能享驅豹兕授我疆

右獸之窮二十二句

十八句句三字  
四句句四字

太宗師討王克建德助逆師奮擊武牢下擒之遂降克  
爲戰武牢第三

戰武牢動河朔逆之助圖倚角怒敵虜抗喬嶽翹萌芽傲霜雪  
王謀內定申掌握鋪施芟夷二主縛憚華戎廓封畧命之菅屮  
以斬歸有德唯先覺

右戰武牢十八句

十六句句三字  
二句句四字

薛舉據涇以死子仁杲尤勇以暴師平之爲涇水黃第

四

涇水黃隴野茫負太白騰天狼有烏鷺立羽翼張鉤喙決前鉅  
趨傍怒飛飢嘯翔不可當老雄死子復良巢岐飲渭肆翱翔頓  
地紘提天綱列缺掉幟招搖躍鎧鬼神來助夢嘉祥腦塗原野  
魄飛揚星辰恢復一方

右涇水黃二十四句

十五句句三字  
九句句四字

輔氏憑江淮竟東海命將平之爲奔鯨沛第五

奔鯨沛盪海垠吐霓翳日腥浮雲帝怒下顧哀墊昏授以神柄  
推元臣手援天矛截修鱗披攘蒙霧開海門地平水靜浮天根  
義和顯耀乘清氛赫炎溥暢融大鈞

右奔鯨沛十八句

十句句三字  
八句句四字

梁之餘保荆衡巴巫窮南越良將取之不以師爲苞枿

苞枿野矣惟根之蟠彌巴蔽荆負南極以安月我舊梁氏緝綏  
艱難江漢之阻都邑固以完聖人作神武用有臣勇智奮不以  
衆投跡死地謀猷縱化敵爲家慮則中浩浩海裔不威而同係  
纆降王定厥功澶漫萬里宣唐風蠻夷九譯咸來從凱旋金奏  
像形容震赫萬國罔不龔

右苞枿二十八句

十六句句四字三句  
句五字九句句三字

李軌保河右師臨之不克變或執以降爲河右平第七  
河右澶漫頑爲之魁王師如雷震崑崙以頽上聾下聰鶩不可  
廻助讐抗有德惟人之留乃潰乃奮縛歸厥命萬室蒙其仁一  
夫則病濡以鴻澤皇之聖威畏德懷功以定順之于理物咸遂

詩林龍漢卷第九

單旅

三

厥性

右河右平十八句

十一句句四字五句  
句五字二句句三字

突厥之大古夷狄莫疆焉師大破之降其國告于廟爲

鐵山碎第八

鐵山碎大漠舒二 勁連穹廬背北海專坤隅歲來侵邊或傳  
于都天子命元帥奮其雄圖破定襄降魁渠窮竟窟宅斥余吾  
百蠻破膽邊氓蘇威武輝耀明鬼區利澤彌萬祀功不可踰官  
臣拜手惟帝之謨

右鐵山碎二十二句

十一句句三字九句  
句四字二句句五字

劉武周敗裴寂咸有晉地太宗滅之爲靖本邦第九



本邦伊晉惟時不靖根柢之搖枝葉攸病守臣不任勤于神聖  
惟鉞之興剪焉則定洪惟我理式和以敬羣頑旣夷庶績感正  
皇謨載大惟人之慶

右靖本邦十四句

句四  
字

李靖滅吐谷渾西海上爲吐谷渾第十

吐谷渾盛疆背西海以夷歲侵擾我疆退匿險且遐帝謂神武  
師往征靖皇家烈烈旆其旗熊虎雜龍蛇王旅千萬人銜枚默  
無譁束力踰山徼張翼縱漠沙一舉刈羶腥尸骸積如麻除惡  
務根本况敢遺萌芽洋洋西海水威命窮天涯係 來王都犒  
樂窮休嘉登高望還師竟野如春華行者靡不歸親戚謹要遮

詩林韶漢卷第九

單族

三

凱旋獻清廟萬國思無邪

右吐谷渾二十六句

句五  
字

李靖滅高昌爲高昌第十一

魏氏雄西北別絕臣外區旣恃遠且險縱傲不我虞烈烈王者  
師熊螭以爲徒龍旂翻海浪驛騎馳坤隅賁育搏嬰兒一掃不  
復餘平沙際天極但見黃雲驅臣靖執長纓智勇伏囚拘文皇  
南面坐夷狄千羣趨咸稱天子神往古不得俱獻號天可汗以  
覆我國都兵戍不交害各保性與驅

右高昌二十二句

句五  
字

既克東蠻羣臣請圖蠻夷狀如周書王會爲東蠻第十

東蠻有謝氏冠帶理海中自言我異世雖聖莫能通王卒如飛  
翰鵬騫駭羣龍轟然自天墜乃信神武功業君臣人累累來  
自東無思不服從唐業如山崇百辟拜稽首言願圖形容如周  
王會書永永傳無窮睢盱萬狀乖咿喞九譯重廣輪撫四海浩  
浩知皇風歌詩鏡鼓閒以壯我元戎

右東蠻二十二句

句五  
字

射獵

講闕

合圍附

玄武門侍射

并序

唐張說

開元之初季冬其望天子始御北闕朝羽林軍禮修事厥後

袁詔藻卷第九

射獵

三

二日乃命紫微黃門九卿六事與熊羆之將爪牙之臣合宴  
焉侑以純錦頒以珍器爾其射棚新成布侯旣設架仗林立

惟軒霽布衆官半醉皇情載悅卷珠箔臨玉除唐弓在手夏

箭斯發應弦命

一作  
屢

中屬羽連飛弧矢以來未之有也若夫

天地合道星辰獻儀端視和容內正外直自近而制遠耀威  
而觀德無不通神無不用極是射也其惟聖人乎于時繁雲  
覆城大雪飛苑天人同澤上下交歡退食懷恩賦詩頌義凡  
若干篇

射觀通玄闕兵欄闕御筵雕弧月半上畫的暈重圓羿后神幽

贊靈王法暗傳貫心精四返飲羽妙三聯雪鶴來銜箭星麟下

集弦一逢軍宴洽萬慶武功宣

御箭連中雙兔

蘇頌

宸遊經上苑羽獵向閑田狡兔初迹窟纖驪詎著鞭三驅仍百步一發遂雙連影射含霜草魂消向月弦歡聲動寒木喜氣滿晴天那似陳王意空隨樂府篇

漢武出獵

錢起

漢家無事樂時雍羽獵年年出九重玉帛不期金闕路旌旗長繞彩霞峰且貪原獸輕黃屋寧畏漁人犯白龍薄暮歸鞭長樂觀垂楊幾處綠烟濃

御獵

王建

詩韶漢卷第九

射獵

三

青山直遶鳳城頭漣水斜分入御溝新教內人唯射鴨長隨天子苑東遊

從獵三首

韓偓

獵犬諳斜路宮嬪識認旗馬前雙兔起宣示羽林兒小鎧狹鞭鞘鞍輕妓細腰有時齊走馬也學唱交交蹀躞巴陵駿培碧野雞忽聞仙樂動賜酒玉偏提

閱武堂

宋孔平仲

開拓乾坤遠歡娛歲序浚堂前猶閱武自是太平心

從獵口號四首

金李獻能

蓮燭金紗簇簇齊宮槐籠曉尚凄迷景陽鐘罷聽殘漏萬馬銜

霜不敢嘶

聞闔傳符啓九關一聲清蹕駐南山虎賁先導三千士天馬初  
離十二閑

爛爛龍旗捧日旂從臣遙認赭紅衣天王清曉親弧矢初合今  
冬第一圍

的礫金鏡墮曉星晴天霹靂應弦聲風毛雨血燕雲在未要草  
閒狐兔驚

甘不刺川在上都西井七百里外董侯承旨扈從井迴  
遇于榆林酒閒因及今秋大獮之盛書六絕以紀其

事

元王 暉

詩詠韶樓卷第九

射獵

三五

千里陰山騎四周休誇西伯渭濱遊今年較獵饒常歲一色天  
狼四十頭

今年大獮蹄林秋青兕黃牛以萬籌搖吻戍兒欣有語好雲從  
此到南樓

今秋天餉住冬糧萬穴空來殺氣蒼渴飲馬酬飢食肉西風低  
草看牛羊

憶觀駕春蒐

一作遊

二首

并序

薩都刺

天曆元年京口錄事參軍某以事畱京觀駕春蒐盛事也得  
詩一聯聊委之其年三月還京歲莫卧病寒食擁爐追思前

聯足成一律時天曆二年三月也

簫韶風細入清虛日映旌旗卷復舒雙鳳曉開金羽箭一作翹扇六

龍春駕紫雲車將軍斜插黃金虎丞相低垂錦一作懸碧帶魚遙想

金一作宮盤珠露滑江南渴殺病相如

日奏雲間紫鳳簫一作韶春隨天上赭黃袍仗前虎將千斤斧架

馬一作上鷹兒五色絛獵士開弓黃犬疾官官擊鼓紫駝高侍遊

亦有中書令七寶雕盤一作籠看綠毛

御史登城南閱武亭 吳景奎

玉帳分弓列虎貔繡衣閱武又星馳沙場慘瘡旌旗動城郭呼

嶸鼓角悲偃武修文當聖代有征無戰是王師掃除天下烟塵

息洪上歸來有健兒

蘇韶漢卷第九 射獵

二月八日駕幸柳林 吳浩

早步廊街曙色紅聖時黃乘理車攻高駝載寶瓊瑜麗馴象膝

車翡翠重夾道香烟春郁郁接天御氣曉溶溶亦知奏賦長楊

近五彩光華起六龍

出獵圖 吳浩

燕支花開春日暉從宮遊騎去如飛分明一段龍沙景白馬黃

羊好打圍

分府同知瑤童相公大閱之日天使適至喜而賦詩奉

寄劉賓旭參軍 郭鈺

鼓角緣邊永夜哀使車忽自海南來中朝舊法三章在大將新

圖八陣開玉帳分明傳號令金臺雜選貯賢才早看送喜麒麟  
殿五色雲中進壽盃

駕收柳林隨侍

陳益稷

安南國王

仙仗平明擁翠華景陽鐘發海東霞千官捧日臨春殿萬騎屯  
雲動曉沙白鷁鞞翻山霧薄黃龍旗拂柳風斜太平氣象同民  
樂南北梯航共一家

圍獵

明楊榮

關塞霜滿曉色明鑿輿校獵出邊城六龍扶輦旌旗合萬騎連  
營鼓角鳴遠火依微秋草薄驚沙寂歷暮雲平小臣躬覩三驅  
樂願效嵩呼播頌聲

詩林韶漢卷第九

射獵

姜

三月十日隨駕獵海子上奉簡胡學士楊庶子

楊榮

暝日融融靜鼓聲條風拂拂動旌旗柳間飲馬春泉細花裏聞  
鶯書漏遲近苑獵迴猶賜餼行宮朝罷更題詩晚來獨向都城  
望雲擁蓬萊五色垂

扈從狩陽山次韻答胡學士

時有甘露降

金幼孜

鑾輿曉出五城東從狩儒臣載筆同日下蒼龍隨玉仗道前寶  
馬載琕弓苑松承露枝皆白島樹經霜葉盡紅向晚笳聲吹疊  
鼓軍門校獵氣偏雄

扈從再狩武岡次學士胡公韻

金幼孜

曉瞻行殿侍名巽步入高峯路更遙  
鐵騎蹏雲開御道蒼鷹掠  
野上層霄旌麾高下隨山轉  
烟火依微隔樹燒  
忝後詞臣慙謫  
薄幾迴扈蹕逐行鑣

端午日賜觀射柳二首

王英

鳳皇城上駐龍旂  
瑞日含光耀紫微  
淡蕩蒲風初應節  
綢繆花氣半熏衣  
仗前新築麒麟苑  
雲外遙聞虎豹圍  
先看聖孫來試馬  
指麾兵陣合天機

鳴簫伐鼓催飛鞚  
列陣行雲擁翠華  
競挽琬弓如月滿  
盡摧楊柳向風斜  
因知上將皆猿臂  
總道諸軍勝虎牙  
莫羨天山曾獻巧  
射生今已靜胡沙

詩韻藻卷第九

射獵

七

駕歸白關羣望于衢恭賦

三月三日

徐渭

桃李晴曛禁苑烟  
鑾輿新幸井郊旋  
團花韎韐蒐春日  
綉柳旌旗拊髀年  
一道甲光將雪借  
千羣馬色截雲鮮  
誰兼將帥爲天子  
共喜文皇九葉玄

晚出禁園

李夢陽

楊柳南城道  
芙蓉小苑通  
內使來調馬  
君王救射熊

長洲顧 嗣立 俠君 類選

慶賀 符瑞 萬壽 尊號 降誕 滿月 婚禮附

唐

宣政殿芝草 李義府

奉和太子納妃太平公主出降 劉禕之

奉和太子納妃太平公主出降 郭正一

奉和受圖溫洛應制 牛鳳及

奉和受圖溫洛應制 蘇味道

歲夜安樂公主滿月侍宴應制 杜審言

詩林韶濩卷第十目錄

中宗降誕日長寧公主滿月侍宴應制 李嶠

奉和受圖溫洛應制 李嶠

歲夜安樂公主滿月侍宴 沈佺期

壽陽公主花燭 沈佺期一作宋之問

中宗降誕日長寧公主滿月侍宴應制 鄭愔

皇帝降誕日集賢殿賜宴 張說

滿月 張諤

大同殿桂產玉芝龍池上有慶雲神光照殿百官共觀

聖恩便賜宴樂敢書卽事 王維

奉和聖製重陽節宰臣及羣官上壽應制



千秋節有感

王維

春日奉獻皇壽無疆詞十首

楊巨源

王評事駙馬花燭詩四首

盧綸

千秋樂

張祐

楊柳枝壽杯詞三首

司空圖

宣政殿前陪位觀冊順宗憲宗皇帝尊號

薛逢

早秋降誕日獻壽二首應制

釋廣宣

降誕日內廷獻壽應制

釋廣宣

詩林韶濩卷第一目錄

南唐

觀吉王花燭

徐鉉

納后夕侍宴

徐鉉

納后侍宴三絕

徐鉉

蜀

長春節

劉兼

宋

乾元節羣臣祝壽小人無位以詩繼之 李觀

三月六日中宮生辰二府例以前四日就孤山四聖觀

設醮泛舟至玉壺環碧園因記歐陽公治平三年丙午

歲上巳和韓丞相詩輒借元韻賦簡諸公

周必大

會慶節大慈寺茶酒

范成大

館中營繕方一新而右文殿生芝草甚異

陸游

德壽宮慶壽口號五首

楊萬里

瑞慶聖節集英殿宴

劉燾

奉天門朝賀

呂定

金

天寧節有感

滕茂實

詩林韶濩卷第十 目錄

三

元

上尊號禮成和劉尚書韻

劉因

萬壽節同宋太常弘道出左掖門口號五首

王暉

崇天門朝賀

傅與礪

天壽節日大明宮朝罷口占簡張約中博士

貢師泰

上尊號聽詔李供奉以病不出奉寄

泰不華

天壽日簡行禮者

辛敬

明

聖壽節早朝

高啓

送中川老先生朝賀

蔡羽

壽日成禮奉天明

鄭善夫

萬壽節朝天宮習儀二首

張治

朝貢

唐

奉和聖製莫春送朝集使歸郡應制

王維

送日本國聘賀使晁巨卿東歸

包佶

送渤海王子歸本國

溫庭筠

宋

詩林韶蘗卷第一

目錄

四

次韻王晉卿奉詔押高麗燕射

蘇軾

正月五日以送伴借官侍宴集英殿口號六首

楊萬里

金國賀正旦使人到闕紫宸殿宴

劉燠

元

送南臺掾史劉孟琛陪治書順昌朝賀

劉銑

送謝參軍朝京

成廷珪

上都回宿赤城站

陳益稷

安南國王

明

題高麗貢使還卷

劉承直

送安南使還國應制

王彝

阿魯台受封後遣其幼子入侍

王英

內中偶述

徐禎卿

送顧少參進表之京

黃佐

答大明高皇帝問日本風俗

洪武二十年

嗜哩嘛哈

日本使臣

賜賚

唐

人日侍宴大明宮恩賜綵縷人勝應制

李嶠

人日重宴大明宮恩賜綵縷人勝應制

沈佺期

人日重宴大明宮恩賜綵縷人勝應制

李乂

詩錄詔漢卷第十 目錄

五

元日恩賜柏葉應制

李乂

人日宴大明宮恩賜綵縷人勝應制

李適

人日重宴大明宮恩賜綵縷人勝應制

鄭愔

奉和正旦賜宰臣柏葉應制

武平一

奉和元日賜羣臣柏葉應制

趙彥昭

奉和人日宴大明宮恩賜綵縷人勝應制

韋元旦

奉和人日重宴大明宮恩賜綵縷人勝應制

崔日用

奉和聖製賜王公千秋鏡應制

張說

人日重宴大明宮恩賜綵縷人勝應制

蘇頌

奉和敕賜公主鏡

席豫

敕賜百官櫻桃

王維

和王維敕賜百官櫻桃

崔興宗

端午日賜衣

杜甫

寒食賜火

竇叔向

端午日恩賜百寮

竇叔向

途次近蜀驛蒙恩賜寶刀及飛龍廐馬使還因寄李鄭

二中書

武元衡

敕賜長壽酒

權德輿

和水部張員外宣政衙賜百官櫻桃詩

韓愈

詩林韶藻卷第十 目錄

六

朝日賜櫻桃

張籍

與沈楊二舍人閣老同食敕賜櫻桃翫物感恩因成十

四韻

白居易

恩賜櫻桃分寄朝士

韓偓

南唐

蒙恩賜酒奉旨令醉進詩以謝

徐鉉

閩

御命歸鄉蒙賜錦衣

翁承贊

蒙閩王改賜鄉里

翁承贊

蜀

宜賜錦袍設上贈諸郡客

劉兼

宋

清明賜新火

歐陽修

卧病逾月請郡不許復直玉堂十一月一日鑲院是日

苦寒詔賜宮燭法酒書呈同院

蘇軾

景仁和賜酒燭詩復次韻謝之

蘇軾

次韻劉貢父春日賜幡勝

蘇軾

再和

蘇軾

謝人送壑源絕品云九重所賜也

曾幾

入直名對選德殿賜茶而退

周必大

詩林韶馥卷第

目錄

七

寓直玉堂拜賜御酒

范成大

謝賜臘藥感遇之什

范成大

恩賜鮑紫二首

陸游

秀州嘉興館拜賜春幡勝

楊萬里

元

賜經筵官酒次蘇伯脩韻

歐陽玄

興聖寺卽事一首

薩都刺

絕句

秦不華

明

謝賜衣

高啓

九日陪諸閣老食賜糕次謝授經韻

高啓

賜藕

李東陽

陵杞歸得賜暎耳詩和方石韻四首

李東陽

有旨百官帶暎耳陸庶子廉伯限韻用簡西涯

謝鐸

四月二十八日起屢賜鮮筍青梅時魚枇杷楊梅雪梨

鮮藕

程敏政

東華門偶述

李夢陽

題嚴內翰賜扇

何景明

雜詠

張治

詩林韶囊卷第十 目錄

八

再和嚴相公詔賜直廬有作次韻

屠應峻

直中作

仲春龍

賜衣

嚴嵩

立春日賜百官春餅

申時行

紀賜三十首

有序

于慎行

丙子二月初與經筵進講紀述

丙子七月初侍日講紀述

丙子九月工部奏進萬曆制錢式樣賜講官六人各

一錠

丁丑三月上親麗宸翰大書責難陳善四字以賜

丁丑五月大旱雩禱上齋居御講頒賜素蔬一盒  
戊寅正月上出內府畫冊命講官六人各題四幅分  
得宣廟御畫二幅詩成奏上各賜銀葉一包

戊寅正月上尚中禮成羣臣稱賀賜白金文綺

戊寅正月進講賜大紅織成段衣一襲

元旦賜門神挂屏葫蘆等物歲以為常

端午賜黃金艾葉銀書靈符等物歲以為常

八月十七日萬壽聖節賜白金文幣及鏤金萬壽福

祿篆字銀書黃朱靈符等物歲以為常

十一月二十九日聖母萬壽聖節賜金幣鏤金篆字

詩林韶濩卷第十 目錄

九

黃朱靈符等物歲以為常

冬至恭侍慶成大宴

甲戌七月奏進穆廟實錄賜白金文綺宴於南宮

賜畫面川扇

賜鮮筍

賜鮮藕

賜鮮枇杷

賜鮮桃李

賜鮮時魚

巳卯春以病在告上疏乞歸值聖體違和旋卽萬福



再賜萬喜金字白金文綺於私第拜恩

癸未甲申三扈聖駕上陵賜大紅織金曳撒鸞帶等物

甲申春月扈從車駕奉兩宮聖母閱定壽宮賜綵花文綺等物

丙戌廷試讀卷賜宴文華西室遣內監出陪例也

丙戌秋月以皇次子生賜萬喜金字綵花金幣等物

丙戌冬至南郊扈駕聖母軫念天寒特賜薑蘇杏仁一盒

丁亥二月奏進大明會典賜白金文綺宴於南宮仍

詩林韶濩卷第十目錄

十

給三代誥命

戊子九月壽宮隨駕步視寶城還於東廊稱賀玉音宣勞賜茶竝賚綵花文綺等物

己丑六月三品考滿荷蒙聖恩遣內使及門齋賜羊酒寶鈔

辛卯九月乞休得請欽遣內使齋賜路費寶鈔次日又遣內侍齋賜白金文綺蓋六卿日講各有特恩也

賜貂紀事用福清少師韻二首

孫承宗

長洲顧 嗣立 俠君 類選

慶賀

符瑞 萬壽 尊號 降誕 滿月 婚禮附

宣政殿芝草

唐李義甫

明王敦孝感寶殿秀靈芝色帶朝陽淨光涵雨露滋且標宣德重更引國恩施聖祚今無限微臣樂未移

奉和太子納妃太平公主出降

劉禕之

夢梓光青陞穠桃藹紫宮德優宸念遠禮備國姻崇萬戶聲明發三條騎吹通香輪送重景彩旂引仙虹

奉和太子納妃太平公主出降

郭正一

詩林韶濩卷第十 慶賀

一

桂宮初服冕蘭掖早升笄禮盛親迎晉聲芬出降齊金龜開瑞鈕寶翟上仙袿轉扇承宵月揚旌照夕霓

奉和受圖溫洛應制

牛鳳及

八神扶

一作承

玉輦六羽警瑤谿戒道伊川北通津澗水西御圖

開洛匱刻石與天齊瑞日波中上仙禽霧裏低微臣矯弱翻林舞接鸞鷲

奉和受圖溫洛應制

蘇味道

綠綺膺河檢青壇俯洛濱天旋俄制蹕孝享屬巖禋陟配光三祖懷柔洎百神霧開中道日雪斂屬車塵預奉咸英奏長歌億

歲夜安樂公主滿月侍宴應制

杜審言

戚里生昌胤天杯宴重臣畫樓初滿月香殿早迎春睿作堯君  
寶孫謀梁國珍明朝元會日萬壽樂章陳

中宗降誕日長寧公主滿月侍宴應制 李嶠

神龍見像日仙鳳養雛年大火乘天正明珠對月圓祚新金籠  
裏歌奏玉筐前今日宜孫慶還參祝壽一作聖篇

奉和受圖溫洛應制 李嶠

七萃鑿輿動千年瑞檢開文如龜負出圖似鳳銜來殷薦三神  
享明禋萬國陪周旗黃鳥集漢幄紫雲迴日昇鈞陳轉清歌上  
帝臺

詩林韻藻卷第十 慶賀

歲夜安樂公主滿月侍宴 沈佺期

除夜子星迴天孫滿月杯詠歌麟趾合簫管鳳雛來歲炬常然  
桂春盤預折梅聖皇千萬壽垂曉御明臺

壽陽公主花燭 沈佺期一作宋之問

仙媛棄龍夕天孫捧雁來可憐桃李夜更遶鳳皇臺燭送香車  
入花臨寶扇開尊令銀漏曉爲盡合歡杯

中宗降誕日長寧公主滿月侍宴應制 鄭愔

春殿倚蘭美仙階柏樹榮地逢芳節應時覩聖人生月滿增祥  
萊天長發瑞靈南山遙可獻常願奉皇明

皇帝降誕日集賢殿賜宴 張說

仲秋金帝起五日土行昭一作標瑞表壬寅露光傳甲子宵陰風  
吹大澤夢日照昌朝不獨華封老千年喜祝堯

滿月

張諤

社金流茂祉庭玉表奇才竹似因談植蘭疑入夢栽烏將八子  
去鳳逐九雛來今夜明珠色當隨滿月開

大同殿柱產玉芝龍池上有慶雲神光照殿百官共觀  
聖恩便賜宴樂敢書卽事

王維

欲笑周文歌宴鎬遙輕漢武樂橫汾豈如玉殿生三秀詎有銅  
池出五雲陌上堯樽傾北斗樓前舜樂動南薰共歡天意同人  
意萬歲千秋奉聖君

詩林詔馭卷第十 慶賀

三

奉和聖製重陽節宰臣及羣官上壽應制

王維

四海方無事三秋大有年百生逢此日萬壽願齊天芍藥和金  
鼎茱萸插玳筵玉堂開右个天樂動宮懸御柳疎秋景城鴉拂  
曙煙無窮菊花節長奉柏梁篇

千秋節有感

杜甫

御氣雲樓敞含風綵仗高仙人張內樂王母獻宮桃羅韞紅囊  
豔金羈白雪毛舞階銜壽酒走索背秋毫聖主他年貴邊心此  
日勞桂江流向北滿眼送波濤

春日奉獻皇壽無疆詞十首

楊巨源

文物京華盛謳謠國步康瑤池供壽酒銀漢麗宸章雨露涵  
闕雷霆肅萬方代推仙祚遠春共聖恩長鳳展臨花暝龍爐傍  
日香遙知千萬歲天意奉君王

鷺鷥彤庭際軒車綺陌前九城多好樂萬井半祥煙人醉逢堯  
酒罵嘯荅舜弦花明御溝水香煥禁城天賜宴文逾盛徵歡物  
更妍無窮豔陽月長奉太平年

雲陛臨黃道天門在碧虛大明含睿藻元氣抱宸居戈偃征苗  
後詩傳宴鎬初年華富仙苑時哲滿公車化入網緼大恩垂渙  
汗餘悠然萬方靜風俗揖華胥

玉漏飄青瑣金鋪麗紫宸雲山九門暝天地一家春瑞靄方呈

詩林韶選卷第十 慶賀

四

賞暄風本配仁巖廊開鳳翼水殿壓鼉身文雅逢明主歡娛及  
賤臣年年未央闕恩共物華新

垂拱乾坤正歡心品類同紫煙含北極玄澤付東風珠綴畱晴  
景金莖直曉空發生資盛德交泰讓全功間氣登三事祥光啓  
四聰遐荒似川水天外亦朝宗

代是文明晝春當燕喜時爐煙漆柳重宮漏出花遲漢典方寬  
律周官正採詩碧霄傳鳳吹紅旭在龍旗造化膺神契陽和沃  
聖恩無因隨百獸率舞奉丹墀

睿德符玄化芳情翊太和日輪皇鑒遠天仗聖朝多曙色含金  
榜精光轉玉珂中宮陳廣樂元老進廢歌蓮葉看龜上桐花識

鳳過小臣空擊壤滄海是恩波

物象朝高殿簪裾溢上京春當九衢好天向萬方明樂報蕭韶  
發杯看沆瀣生芙蓉丹闕暎楊柳玉樓晴閨闔中禁衣裳儼  
太清南山同望壽長對鳳皇城

日上蒼龍闕香含紫禁林晴光五雲疊春色九天淡賞叶元和  
德文垂雅頌音景雲隨御輦顛氣在宸襟永保無疆壽長懷不  
戰心聖朝多慶賜瓊樹粉牆陰  
化洽生成遂功宣動植知瑞凝三秀草春入萬年枝鳳掖嘉言  
進駕行喜氣隨仗臨丹地近衣對碧山垂渥澤方柔遠聰明本  
聽卑願同東觀士長觀漢威儀

詩林韶獲卷第十 慶賀

五

王評事駙馬花燭詩四首

盧綸

萬條銀燭引天人十月長安半夜春步障三千隘將一作無間斷幾  
多珠翠落香塵

一人女婿萬人憐一夜稠一作調疎抵百年爲報司徒好將息明

珠解轉又能圓

人主人臣是親家千秋萬歲保榮華幾時曾向高天得見今  
宵月裏花

比翼和鳴雙鳳皇欲棲金帳滿城香平明卻入天泉裏日氣曠  
隴五色光

千秋樂

張祐

八月平時花萼樓萬方同樂是千秋傾城人看長竿出一技初  
成趙解愁

楊柳枝壽杯詞三首 司空圖

樂府翻來占太平風光無處不含情千門萬戶喧歌吹富貴人  
間只此聲

臺城細仗曉初移詔賜千官袂飲時綠帳遠籠清珮響更曛晴  
日上龍旗

聖主千年樂未央御溝金翠滿垂楊年年織作昇平字高映南  
山獻壽觴

宣政殿前陪位觀冊順宗憲宗皇帝尊號

詩林韶慶卷第十 慶賀

六

薛逢

樓頭鐘鼓遞相催曙色當衙曉仗開孔雀扇分香案出袞龍衣  
動冊函來金泥照耀傳中旨玉節從容引上台盛禮永尊徽號  
畢聖慈南面不勝哀

早秋降誕日獻壽二首應制 釋廣宣

秋冀開七葉元聖誕千年繞殿祥風起當空瑞日懸道光中國  
主人識大羅仙敢贊無疆壽香花上法筵  
萬方瞻聖日九土仰清光磬地山河壯彌天福壽長瑞煙熏法  
界真偈起人王願獻千秋樂千秋樂未央

降誕日內庭獻壽應制

釋廣宣

慶壽千齡遠敷宣萬國通登香欣有路捧日媿無功仙駕三山上龍生二月中修齋長樂殿講道大明宮此地人難到諸天事不同法筵花散後空界滿香風

觀吉王花燭

南唐徐鉉

玉門嘉禮萬人觀況是新承置醴歡花燭喧闐丞相府星辰搖動遠遊冠歌聲暫闕聞宮漏雲影初開見露盤帝里佳期頻賦頌長留故事在金鑾

納后又侍宴

徐鉉

天上軒星正雲間湛露垂禮容過渭水宴喜勝瑤池彩霧籠花燭升龍肅羽儀君臣歡樂日文物盛明時簾卷銀河轉香凝玉漏遲華封傾祝意觴酒與聲詩

詩詔獲卷第十 慶賀

七

納后侍宴三絕

徐鉉

時平物茂歲功成重翟排雲到玉京四海未知春色至今宵先入九重城

銀燭金爐禁漏移月輪初炤萬年枝造舟已似文王事卜世應同八百期

漢主承乾帝道光天家花燭宴昭陽六衣盛禮如金屋彩筆分題似柏梁

長春節

蜀劉兼

聖朝佳節遇長春跪捧金爐祝又焚寶藏發來天地秀兵戈銷



後帝皇尊太平基址千年永混一車書萬古存更有馨香滿芳  
檻和風遲日在蘭蓀

乾元節羣臣祝壽小人無位以詩繼之

宋李觀

帝命當敷佑民生有厥初千秋唐節日萬國禹朝車韶美笙鏞  
外需亨飲食餘神仙似姑射夢想卽華胥嘉會誠難得愚忠敢  
自疎古人誰最壽無逸在周書

三月六日中官生辰二府例以前四日就孤山四聖觀  
設醮泛舟至玉壺環碧園因記歐陽公治平三年丙  
午歲上巳和韓丞相詩輒借元韻賦簡諸公

詩林韶濩卷第十 度賀

八

周必大

東華正蹋軟紅塵卻趁西湖被袞辰曆似明天時合正春逢閏  
歲物華新流連花柳輸豪俠判斷湖山媿隱淪尚擬鳴鑿一猶  
豫還陪英袞奉嚴宸

會慶節大慈寺茶酒 范成大

霜暉催曉五雲鮮萬國歡呼共一天澹澹暝紅旗轉日浮浮寒  
碧瓦收燼銜杯樂聖千秋節擊鼓迎冬大有年忽憶捧觴供玉  
座不知身在雪山邊

館中營繕方一新而右文殿生芝早甚異

陸游

丹碧參差盛一時殿楹三秀見金芝漢庭漫道多才傑天馬何  
勞作頌詩

德壽宮慶壽口號五首

楊萬里

淳熙丙午元日聖上詣東朝慶壽八秩積陰頓晴飛雪弄日  
聖孝昭格萬姓呼舞擬作口號

長樂宮前望翠華玉皇來賀太皇家青天白日仍飛雪錯認東  
風轉柳花

春色何須羯鼓催君王元日領春回牡丹芍藥薔薇朶都向千  
官帽上開

雙金獅子四金龍噴出香雲繞殿中太上垂衣今上拜百王曾

詩林韶濩卷第十

慶賀

九

有箇家風

天父晨興未出房君王忍冷立風廊忽然鳴蹕珠簾卷萬歲聲  
傳震八荒

甲戌王春試集英小臣曾是老門生蒼頭華髮班行裏也聽鈞  
天九奏聲

瑞慶聖節集英殿宴

劉燦

皇家卜世過周唐天啓真人應運翔抱日預占恭邸夢飛龍曾  
報皖山祥翠雲影外來金母紅霧香中擁玉皇樂府賦工無以  
祝願將金鑑代珠囊

晚日初臨萬歲山寶幢華蓋列朝班九重天上來仙樂五色雲  
中識聖顏深殿卷簾香霧嫋近臣傳制珮聲還嵩呼齊祝恩如  
海散作陽和滿世間

天寧節有感

金滕茂實

節臨重十慶天寧古殿焚香祝帝齡身在北方金佛剎眼看南  
極老人星千官花覆常陪熟萬里雲遙阻在庭松柏滿山聊獻  
壽小臣孤操亦青青

上尊號禮成和劉尚書韻

元劉 因

萬姓瞻天仰泰階老人星見五雲開混同直擬千年論積累元  
從百世來含哺豈能逃帝力有根無不待春雷舉頭日近長安

詩林韶斐卷第十

慶賀

十

遠葵藿傾心卽壽盃

萬壽節同宋太常弘道出左掖門口號五首

王 惲

禁漏穿花夜已央宮槐籠曉色蒼蒼殷勤一點東華日先到紅  
鸞扇影光

隔夜端門分板位平明簪笏列鸞行紫雲低覆千官拜潤入金  
爐百和香

羯鼓聲高吹管清九天合作鳳鸞鳴侍儀贊喝三成後磬折齊  
呼萬壽聲

花映巖廊近紫宸宮官行酒過三巡共攜滿袖香煙出散作都

城十日春

對品班分玉筍行一時望拜殿西廂百官燕出宮闈靜疎雨濛濛溼建章

崇天門朝賀

傅與礪

輦路塵清列羽林侍臣星嚮肅森森風含鳳吹青冥闕日射龍旗紫極深兩廡佩趨臨水玉九門詔出映泥金從來湯武須傳業更在伊周老盡心

天壽節日大明宮朝罷口占簡張約中博士

貢師泰

金門珠箔轉迴廊文武分班有舊章花露重沾腰珮溼松風輕

詩林韶護卷第十 慶賀

十一

度鬢絲涼仗隨騏驥通朝貢杯進夔龍祝壽康最喜太常張博士清標如雪照鵷行

上尊號聽詔李供奉以病不出奉寄 秦不華

丹鳳銜書出內庭羽林環衛擁霓旌千官拜舞開仙仗四海謳歌荷聖情香霧細添宮柳碧日華遙射錦袍明侍臣亦有文園病臥聽龍擘鼓吹聲

天壽日簡行禮者

辛敬

去歲因登白玉筵漢官儀羽習朝天雨多金殿生清氣日照璇階上紫煙在野只知存魏闕趨宸深念拜當年腐儒通籍嗟何

補只有丹心似日懸

聖壽節早朝

明高啓

天啓聖圖昌流虹叶夢祥飛龍起江左戰馬放山陽御柳垂闈  
闈仙桃熟建章遠人陳貢筐近侍浥爐香金鏡千秋錄瑤池萬  
歲觴小臣歌拜手堯日正舒長

送中川老先生朝賀

蔡羽

蒼龍殊喜映前光學士含香拜玉皇九廟慶成崇寶祐萬年枝  
茂發靈祥華封不阻崆峒祝仙宴欣沾芍藥方典學古來求正  
士桓榮端合領春坊

壽日成禮奉天門

鄭善夫

初日鴉嘯宮樹林奉天高殿氣駸駸衣冠況值千秋節犬馬真

詩林韶濩卷第十 慶賀

三

懸萬國心白羽書來兵未解黃河水落歲將陰龍旂鳳輦關山  
道邊事辛勤風雪淡

萬壽節朝天宮習儀二首

張治

曲檻通丹室長松鏤翠煙樓臺凌絕巖鐘磬發諸天瑞莢生堯  
日緋桃入漢年君王有明德萬壽應高玄  
看佩移宵燭聞鐘候曉雞鼓嚴千隊肅嵩祝萬聲齊鳳吹隨金  
仗龍宮隱玉題回看天北極香案五雲西

朝貢

奉和聖製暮春送朝集使歸郡應制 唐王維

萬國仰宗周衣冠拜冕旒玉乘迎大客金節送諸侯祖席傾三

省塞惟向九州楊花飛上路槐色蔭通溝來預鈞天樂歸分漢  
主憂宸章類河漢垂象滿中州

送日本國聘賀使晁巨卿東歸

包 佶

上才生下國東海是西鄰九譯蕃君使千年聖主臣野情偏得  
禮木性本含仁錦帆乘風轉金裝照地新孤城開蜃閣曉日上  
車輪早識來朝歲塗山玉帛均

送渤海王子歸本國

温庭筠

疆理雖重海車書本一家盛勳歸舊國佳句在中華定界分秋  
漲開帆到曙霞九門風月好回首是天涯

次韻王晉卿奉詔押高麗燕射

宋蘇 軾

詩林韶濩卷第十

朝貢

三

北苑傳呼陞楯郎東夸初識合君香天山自可三箭取海國何  
勞一葦杭宣勸不辭金盃側醉歸爭看玉鞭長錦囊詩草勤收  
拾算遣雞林得夜光

正月五日以送伴借官侍宴集英殿口號六首

楊萬里

殿下鞭聲再掣雷玉皇徐下九天來陰晴不定朝來定五色祥  
雲霍地開

一點班行朝漢天英符來自玉門關舊時千歲琵琶語新學三

聲萬歲山

金鬣俊倪立玉臺雙瞻御坐首卻回水沈山麝香薇露澈作香

雲噴出來

千官拜舞仰虛皇奉瑤池萬壽觴殿上雙傳送御酒檻前一  
曲繞虹梁

太極香開萬物新紹熙天子燕羣臣梨園好語君須聽玉曆初  
頒第一春

廣場妙戲鬪程材纔得天顏一笑開角觥罷時還罷宴卷班出  
殿戴花回

金國賀正旦使人到闕紫宸殿宴

劉焄

榆關玉塞靜無塵嘉定于今第四春兩國交馳通好使八方同  
作太平人翠鼉鼓奏娛嘉客白獸樽浮賞諫臣聖歷從茲天共

詩林韶慶卷第十

古

遠季季玉帛會楓宸

送南臺掾史劉孟琛陪治書順昌朝賀

元劉誥

上帝南郊法駕親憲臣北道傳車新冰霜隨路關河曉雨露垂  
天海嶽春千里渥洼從驥子九重闕候雞人冕旒再拜三呼  
日玉帛交橫萬國賓

送謝參軍朝京

成廷珪

萬重玉帛會蓬萊先報中吳進表來內使傳宣催引見舍人當  
殿折封開干戈載駸龍顏喜正朔重頒鳳曆回卻袖天香上歸

騎定分春色到蘇臺

上都回宿赤城站

陳益稷

釜山執玉會諸侯宴罷回程宿嶺頭白海雨來雲漠漠赤城秋  
入夜颼颼皇圖萬里乾坤闊客路幾年身世浮驛吏驚呼詩夢  
破一聲雞唱隔雲州

題高麗貢使還卷

明劉承直

文軌初同泰運開藩邦傳令動雲雷三韓舊控玄菟險重譯今  
隨白雉來使節秋風辭殿陛樓船春水泛蓬萊金章珠翟承殊  
渥專對從知得俊材

送安南使還國應制

王彝

帝德如天四海同卉裳相率向華風稱藩特奉龍函表偃武仍

詩林部漢卷第十

朝貢

五

包虎韞弓貢自炎方歸域內心先流水到江東路經日出知天  
大城與山蟠見地雄詔語陪臣趨玉陛班隨仙仗列彤宮陳情  
委曲爲蠻語賜對從容徹聖聰駝紐新頒玉印重螳鴈屢飲尚  
尊空承恩共識皇華使命將毋勞矍鑠翁已儼再將周日雉底  
須復表漢年銅五絃曲奏鯨濤息重譯人還鳥道通蕙苴生仁  
供旅食枕椰垂葉蔭詩筒部迎定見新王騎驛送猶思上國鴻  
歌舞萬年常率化扶攜百越共攄忠大明燭物今無外從此看  
如禹甸中

阿魯台受封後遣其幼子入侍

王英

遠分符券冊天驕恩似春陽及草苗虜騎萬人先納款胡兒十



歲也歸朝舊垂髻髻纏番錦新賜朱纓瑀漢貂暗想黃雲沙磧  
裏托身何幸到青霄

內中偶述

徐禎卿

朱宮殊方貢黃旗使者回內園春未到青筍渡江來

送顧少參進表之京

黃佐

殊方長走畫熊車蔽閣松窗月色虛喜見西山歸戰馬愁聞南  
海進明珠風生閩闔陳金鏡雲擁翠恩拜玉除後夜若逢牛斗  
使前星應有鳳皇書

荅大明高皇帝問日本風俗

洪武二十年

嗜哩嘛哈

日本使臣

國比中原國人同上古人衣冠唐制度禮樂漢君臣銀甕筍新  
酒金刀繪錦鱗年年二三月桃李一般春

詩林韻渡卷第十

朝貢

去

賜賚

人日侍宴大明宮恩賜綵縷人勝應制

唐李嶠

鳳城春色已含韶人日風光倍覺饒桂吐半輪迎此夜莫開七  
葉應今朝魚猜水凍行猶澁鸞喜春熙弄欲嬌媿奉登高搖彩  
翰欣逢御氣上丹霄

人日重宴大明宮賜綵縷人勝應制

沈佺期

拂旦雞鳴仙衛陳憑高龍首帝城春千官黼帳杯前壽百福香  
奩勝裏人山鳥初來猶怯轉林花未發已偷新天文正應韶光

轉設報懸知用此辰

人日重宴大明宮恩賜綵縷人勝應制 李 义

詰且行春上苑中，憑高卻下大明宮。  
千年執象寰瀛泰，七日為人慶賞隆。  
鐵鳳層霄搖瑞雪，銅烏細轉入祥風。  
此時朝野歡無算，此歲雲天樂未窮。

元日恩賜柏葉應制

李 义

勁節臨冬勁，芳心待歲芳。  
一作能令人益壽非止麝，含香

人日宴大明宮恩賜綵縷人勝應制 李 適

朱城待鳳韶，年至碧殿疏。  
一作曙龍淑氣來寶帳，金屏人已帖圖

花學鳥勝初，裁林香近接。  
宜春苑山翠，遙添獻壽杯。  
向夕憑高

詩詔漢卷第 賜資

七

風景麗天文，垂曜象昭回

人日重宴大明宮恩賜綵縷人勝應制 鄭 悃

瓊殿含光映早輪，玉鸞嚴蹕望初晨。  
池開東水仙宮麗，樹發寒花禁苑新。  
佳氣徘徊籠細網，殘雲淅瀝染輕塵。  
良時荷澤皆迎勝，窮谷踰陽猶未春。

奉和正旦賜宰臣柏葉應制 武平一

綠葉迎春綠，寒枝歷歲寒。  
一作將柏葉壽長奉，萬年歡

奉和元日賜羣臣柏葉應制 趙彥昭

器乏雕梁器材非，構夏材但將千歲葉。  
常奉萬年杯

奉和人日宴大明宮恩賜綵縷人勝應制

鸞鳳旌旗拂曉陳魚龍角觝大明辰青韶既肇人爲日綺勝初  
成日作人聖藻凌雲裁柏賦仙歌促宴摘梅春垂旒一慶宜年

酒朝野俱歡萬一作壽新

奉和人日重宴大明宮恩賜綵縷人勝應制

崔日用

新年宴樂坐一作東朝鐘鼓鏗鏘大樂調金屋瑤筐開寶勝花

牋綵筆頌春椒曲池一作江苔色水前液上苑梅香雪裏嬌一作

宸極此時飛聖藻微臣竊抃預聞韶

奉和聖製賜王公千秋鏡應制

張說

詩林韻藻卷第 賜贊

七

寶鏡頒神節疑規寫聖情千秋頊作字長壽帶爲名月向天邊  
下花從日裏生不承懸象意誰辨炤心明

人日重宴大明宮恩賜綵縷人勝應制 蘇頲

疏龍燈道切昭回建鳳旗門繞帝臺七葉仙萸依一作承月吐千

枝御柳拂煙開初年競帖宜春勝長命先浮一作添獻壽杯是日

皇一作最靈知竊幸羣心就一作能捧大明來

奉和敕賜公主鏡 席豫

合節頒龍鏡仙輝下鳳臺含靈萬象入寫照百花開色與皇明  
散光隨聖澤來妍媸冰鑑裏從此媿非才

敕賜百官櫻桃

王維

芙蓉闕下會千官紫禁朱櫻出上闌纔一作是寢園春薦後非  
關御苑鳥銜殘歸鞍競帶青絲籠中使頻傾赤玉盤飽食不須  
愁內熱大官還有蔗漿寒

和王維敕賜百官櫻桃

崔興宗

未央朝謁正逶迤天上櫻桃錫此時朱實初傳九華殿繁花舊  
雜萬年枝未勝晏子江南橘莫比潘家大谷梨聞道合人好顏  
色神農本草自應知

端午日賜衣

杜甫

官衣亦有各端午被恩榮細葛含風軟香羅疊雪輕自天顛處  
溼當暑著來清意內稱長短終身荷聖情

詩林詔獲卷第十 賜衣

五

寒食賜火

竇叔向

恩光及小臣華燭忽驚春電影隨中使星輝拂路人幸因榆柳  
暝一照草茅貧

端午日恩賜百寮

竇叔向

仙官長命縷端午降殊私事盛蛟龍見恩渙犬馬知餘生儻可  
續終冀荅明時

塗次近蜀驛蒙恩賜寶刀及飛龍廐馬使還因寄李鄭

二中書

武元衡

草草事行役遲遲入一作出故關碧幢遙隱霧紅旆漸依山感激

酬一作恩淚風霜去國顏捧刀金錫字歸馬玉連環威鳳翔雙

關征夫護八蠻

一作龍鳳麟  
君子戈護八蠻

應憐宣室召温樹不同攀

敕賜長壽酒

權德輿

恩渥長壽酒歸遺同心人滿酌共君醉一杯千萬春

和水部張員外宣政衙賜百官櫻桃詩 韓愈

漢家舊種明光殿炎帝還書本草經豈似滿朝承雨露共看傳

賜出青冥香隨翠籠擎初到一作重色映一作照銀盤寫未停食

罷自知無所報空然慙汗仰皇局

朝日賜櫻桃

張籍

仙果人間都未有今朝忽見下天門捧盤小吏初宣敕當殿羣

臣共拜恩日色遙分廊下座露香纔出禁中園每年從此長先

詩林韻藻卷第十 賜賚

三

熟願得千春奉至尊

與沈楊二舍人閣老同食敕賜櫻桃翫物感恩因成十

四韻

白居易

清曉趨丹禁紅櫻降紫宸驅禽養得熟和葉摘來新圓轉盤傾

玉鮮明籠透銀內園題兩字西掖賜三臣熒惑晶華出醜醜氣

味真如珠未穿孔似火不燒人杏俗難爲對桃頑詎可偷肉嫌

盧橘厚皮笑荔枝絨瓊披酸甜足金丸大小勻偷須防曼倩惜

莫擲安仁手擘纔離核匙抄半是津甘爲舌土露暎作腹中春

已懼長尸祿仍驚數食珍最慙恩未報飽餒不才身

恩賜櫻桃分寄朝士

韓偓

未許鸞偷出漢宮上林初進半金籠蔗漿自透銀杯冷朱實相  
輝玉梳紅俱有亂離終日恨貴將滋味片時同霜威食藥應難  
近宜在紗窗繡戶中

蒙恩賜酒奉旨合醉進詩以謝 南唐徐鉉

明光殿裏夜迢迢多病逢秋自寂寥蠟炬乍傳丹鳳詔御題初  
認白雲謠今宵幸識衢樽味明日知停入閤朝爲感君恩判一  
醉不煩辛苦解金貂

御命歸鄉蒙賜錦衣 閩翁承贊

九重宣旨下丹墀面對天顏賜錦衣中使擎來三殿曉寶箱開  
處五雲飛德音耳聆君恩重金印腰懸已力微更待臨軒陳鼓

詩林韶濩卷第十 賜資

三

吹星輶便指故鄉歸

蒙閩王改賜鄉里 翁承贊

鄉名文秀里光賢別向鈞台造化權閱使因今日貴德音兼  
與後人傳自從受賜身無力尚未酬恩骨肯鐫歸闕路遙心更  
切不嫌扶病倚旌旃

宣賜錦袍設上贈諸郡客 蜀劉兼

十月芙蓉花滿枝天庭驛騎賜寒衣將同玉蝶侵肌冷也遣金  
鵬遍體飛夜臥始知多忝竊晝行方覺轉光輝深冬若得朝丹  
闕太華峰前衣錦歸

清明賜新火

宋歐陽修

魚鱗侵晨放九門天街一騎走紅塵桐華應候催佳節榆火推  
恩忝侍臣多病正愁餒粥冷清香但愛爍煙新自憐慣識金重  
燭翰苑曾經七見春

臥病逾月請郡不許復直玉堂十一月一日鑠院是日

苦寒詔賜宮燭法酒書呈同院

蘇軾

微霰疎疎點玉堂詞頭夜下攬衣忙分光御燭星辰爛拜賜宮  
壺雨露香醉眼有花書字大老人無睡漏聲長何時卻逐桑榆  
暝社酒寒燈樂未央

景仁和賜酒燭詩復次韻謝之

蘇軾

笙磬分鈞上下堂游魚舞獸自奔忙朱絃初識孤桐韻玉琯猶

詩林詔渡卷第十 賜資

三

聞拒黍香萬事方今咨伯始一斑我亦媿真長此生會見三雍  
就無復寥寥歎未央

次韻劉貢父春日賜幡勝

蘇軾

寬詔隨春出內朝三軍喜氣挾狐貂銀錯錯落翻斜月翦綵續  
紛舞慶霄臘雪強飛絕到地曉風偷轉不驚條脫冠徑醉應歸  
臥便腹從人笑老韶

再和

蘇軾

與君流落偶還朝過眼紛紛七葉貂莫笑華顛羞采勝幾人黃  
壤隔青霄行吟未許窮騷雅坐嘯猶能出教條記取明年江上  
郡五更春枕夢春韶

葉公秉王仲至見和次韻答之

蘇軾

衿絺方暑亦堪朝歲晚淒風憶阜貂其喜鴛鴦歸禁御心知日  
月在重霄君如老驥初遭絡我似枯桑不受條強鐳霜須簪綠  
勝蒼顏得酒尚能韶

再和

蘇軾

衰遲何幸得同朝溫勁如君合珥貂誰惜異材蒙徑寸自慙枯  
枿借凌霄光風泛泛初浮水紅糝離離欲綴條後日一尊何處  
共奉常端冕作咸韶

謝人送壑源絕品云九重所賜也

曾幾

三伏汗如雨終朝霑我裳誰分金掌露來作玉谿涼別甌軟炊

詩林韻藻卷第十 賜賚

三

飯小爐淡炷香麴生何等物不與汝同鄉

入直召對遇德殿賜茶而退

周必大

綠槐夾道集昏雅敕賜傳宣坐賜茶歸到玉堂清不寐月鉤初  
上紫微花

寓直玉堂拜賜御酒

范成大

歸鴉陸續墮宮槐簾幙參差晚不開小雨遂將秋色至長風時  
送市聲來近瞻北斗璿璣次猶夢西山翠碧堆慚愧君恩來甲  
夜殿頭宜勸紫金杯

謝賜臘藥感遇之什

范成大

鴻寶刀圭下九關十年長奉壺封看扶持蒲柳身猶健收拾桑



偷歲又寒天地恩深雙鬢雪山川途遠一心丹疲疇疾苦今何  
似拜手歸來媿伐檀

恩賜龜紫二首

陸游

憶昔青衫上赤墀領閒未有一莖絲豈知晚拜金龜賜卻是霜  
顛雪鬢時

已挂朝衣神武門暫紆紫綬拜君恩兒孫賀罷還無事雨笠煙  
蓑自灌園

秀州嘉興館拜賜春幡勝

楊萬里

中使傳宣下紫宸鏃頭濃染御香雲綠幡耐夏宜春字寶勝連  
環曲水紋癡似土牛鞭不動老登金馬媿無聞強簪華髮知難

詩林詔漢卷第十 賜賚

三

稱只有新詩頌萬分

賜經筵官酒次蘇伯修韻

元歐陽立

鼇極天初補娥池月已修鮮鷗生廣廈清旭映垂旒玉漏聰無  
壅重瞳視不流凝神思燕翼虛已納鴻猷章撤金爐炮筵收玉  
笋浮甘泉歸步遠太液便程優鸚鵡棲官樹鷓鴣避客舟商耆  
芟漢幣羸僂膳唐羞名輩應相語明時豈易酬徘徊西掖晚雁  
影度延秋

興聖寺卽事一首

薩都刺

御廚香動晚分羹七寶玻璃杵杵承白面內官呼小字隔簾傳

音賜中丞

絕句

泰不華

金吾列侍擁旌旄五色雲深雉尾高視草詞臣方退食內官傳

敕賜櫻桃一作蒲萄

謝賜衣

明高啓

臚呼遙捧賜拜服望蓬萊香帶爐煙下光迎扇月開奇文天女織新樣內官裁被澤徒渙厚慙無奪錦才

九日陪諸閣老食賜糕次謝授經韻

高啓

叨陪講席按詞曹曉禁霜花點素袍院貯圖書西掖靜雲連宮殿北山高故園莫憶黃花酒內府初嘗赤棗糕最愛鳳毛今復見便令池上一揮毫

詩林詔護卷第十 賜賚

五

賜藕

李東陽

祇向名花看畫圖忽驚仙骨在泥塗輕同握雪愁先碎細比餐冰聽卻無郭北芳菲懷故里江南風味憶西湖渴塵此夜消應盡未羨金莖與玉壺

陵祀歸得賜暎耳詩和方石韻四首

時和者頗衆類為驕字所苦

李東陽

烏紗巾上透涼颺一髮君恩力未辭賜煥宮貂同日戴冒寒郊馬有人騎耳聞明主如絲詔心似窮民挾纊時明向玉階還再拜羔羊重續退公詩

輕華弄日暎合颺短髮蒙茸亂不辭狐掩敝裘慚竝價馬驚寒

影怯初騎寧同趙服隨胡制不似齊冠汗肉時寄語春風莫吹  
卻多情長誦感恩詩

拂面寒生雪後颺十金貂價豈容辭鷄鷄祗解戎冠著狐貉空  
隨獵馬騎禮重鄜人歌鼠日功多楊子拔毛時君恩不與炎涼  
變欲和唐宮賜葛詩

午門晴旭颺輕颺拜領溫綸竟莫辭八座敢誇三珥貴千金不  
換五花騎休論孟德頭風事絕勝楊侯耳熱時老去毛君頭未  
禿玉堂閑寫賜貂詩

有旨百官帶暎耳陸庶子廉伯限韻用簡西涯

謝 鐸

詩林韶濩卷第

賜賚

三

九陛門淡障曉颺煥寒初致感恩辭爭先敢羨偷狐手

時有出諸袖中

者

再拜真同賜馬騎掩耳功高知不世續貂名在媿乘時炎涼

幾作班姬扇戀戀誰存贈別詩

余嘗有別暎耳詩

四月二十八日起屢賜鮮筍青梅鱖魚枇杷楊梅雪梨

鮮藕

程敏政

都城三伏暑方炎天上分鮮我亦霑緘發紫泥畱榼管香生青  
箸帶冰鹽南舟遠貢來何數北客初嘗味更添爲感歲時繡賜  
帖不知殘日下疎簾

東華門偶述

李夢陽

銀鬕爛生光盤龍繡袂香但知從內出不省賜何王

題嚴內翰賜扇

何景明

端陽綵扇百官傳，每歲宮臣賜獨偏。  
君忝翰林供奉久，始來經幄拜恩年。  
頌從殿閣風先動，捧向雲霄月竝懸。  
象轂銀鍔倍光寵，好揚熏吹助虞絃。

雜詠

張治

大明宮闕九天開，中使傳宣殿裏來。  
紅玉雕盤宮錦覆，上公含笑賜金回。

再和嚴相公詔賜直廬有作次韻

屠應峻

台垣奕奕紫庭西，地近蓬萊瑞色齊。  
雙觀月臨鳩鵲迥，五樓春見鳳皇棲。  
層霄夜永傳仙漏，中使時臨捧御題。  
爲識履聲天上聽，錦袍猶有異香攜。

詩林韶薈卷第十 賜賚

三

直中作

仲春龍

條風輦道起香塵，內詔傳宣促五臣。  
別殿香飄黃帳揭，纏龍帖子賜宜春。

賜衣

嚴嵩

官衣錦段新宣賜，偏臣鄰繡紋盤虎豹金。  
彩織麒麟詔向龍沙遠，頒從玉陛均拜登。  
齊闕謝媿省獨牆，循士節論辭受君恩愛。  
笑嚀禮看超等級，勞豈效涓塵荷德乾坤大。  
糜財府庫貧先朝，題歲月諸道貢奇珍。  
貂座儀章濫鶉梁，諷諭陳縉紳皆用武輦。  
輅尚畱巡暗憶垂裳治，虛慚挾纊仁日占青海使寒望翠華春。

未厭干戈役私嗟章甫身

立春日賜百官春餅

申時行

紫宸朝罷聽傳餐玉餌瓊肴出大官齋日未成三爵禮早春先  
試五辛盤迴風入仗旌旗暎融雪當筵七箸寒調鼎十年空伴  
食君恩一飯報猶難

紀賜三十首

有序

于慎行

皇上登極以來日御講幄談經論藝五六儒臣趨陪近弼晨  
朝三接寵賚便蕃歲無虛月卽勲貴大臣有不與焉臣慎行  
自丙子七月叨侍講讀至己丑七月進掌春卿而解計橫經  
玉案前後十有四年所受特恩賜予不可勝數仰仰皇上隆

詩林韶濩卷第十 賜賚

天

儒重道盛心近世帝王所未嘗有文史小臣過承豐渥念雖  
捐糜無以報稱歸田間日錄出歲時賞賚每事占詩一首以  
紀榮遇且昭聖明初政勤學嚮道如此使後之傳聞者有所  
誦說以對揚君父之盛美云其不書年月者歲歲有之辛卯  
蜡月臣慎行頓首記

丙子二月初與經筵進講紀述

延英別殿倚平臺問道恭承步輦來講席平依丹地轉經函近  
對御筵開凝旒粹穆聞天語委佩從容列上台聖學方隆恩禮  
茂儒臣長此奉康哉

丙子七月初侍日講紀述

內殿雲深啓法筵，隔屏初聽玉音宣。宮臣舉案趨宸幄，閣相垂紳拱細旃。壁影絲絲浮繡網，籤頭字字指瑤編。冰兢祗懼終無補，未覺身依尺五天。

丙子九月工部奏進萬曆制錢式樣，賜講官六人各

一錠

漢苑新成少府錢，萬年寶曆赤文鐫。青蚨出冶銅官奏，黃紙題名玉署傳。趙壹囊空畱暫滿，東方俸薄賜常偏。五侯甲第虛成將，未擬儒臣受寵年。

丁丑三月上親麗宸翰大書責難陳善四字以賜

龍牋一幅，日星光天藻昭垂，自尚方久向橫經，窺聖蘊還因納。

詩林韶獲卷第十 賜資

三

誨奉奎章琅函想，見仙毫動蓬室驚。聞御墨香儒術承，恩逢景運非同常侍慢登牀。

丁丑五月大旱，雩禱上齋居御講，頒賜素蔬一盒。

雲漢憂歌歲事韞，桑林虔禱聖心殫。祈年不輟金華講，減膳猶分玉箸飧。始見仙盤疑汎露，卻嘗寶饌是調蘭。崇朝膚寸紆宸想，霖雨應騰四野歡。

戊寅正月上出內府畫冊命講官六人各題四幅分

得宣廟御畫二幅詩成奏上各賜銀葉一包

百年壁府護仙葩，奉詔恭題睿覽賒。豈爲丹青懸日月，欲憑翰墨發雲霞。叨榮乍捧銀爲葉，擣藻虛慚筆有花。文學承恩逢盛

典黃金買賦未應誇

戊寅正月上尚巾禮成羣臣稱賀賜白金文綺

負辰年來海嶽安春朝繡幘始勝冠龍樓拂曙天顏近玉座垂  
旒日角寬九廟神靈應已慰兩階環佩不勝歡適臣幸奉青蒲  
對珍賜還看出上闌

戊寅正月進講賜大紅織成段衣一襲

講殿朝朝聖渥頻賜衣又見出楓宸織成共識金梭巧貢到初  
開錦樣新色借宮雲紅近日香浮仙珮暎宜春垂裳幸值軒唐  
理補衮無勞愧許身

元旦賜門神挂屏葫蘆等物歲以爲常

詩詔渡卷第

賜資

三

節啓青陽歲箭新金人十二畫爲神詔華自合畱天府御氣誰  
期洽近臣綵勝仍分仙禁縷雲屏况借漢宮春卻憐寂莫揚雄  
宅門巷恩光接紫宸

端午賜黃金艾葉銀書靈符等物歲以爲常

芙蓉闕下玉書宣午日恩頒侍從前寶葉光分仙島月靈符香  
綴御爐煙歲時舊自荆人記風俗曾經漢史傳聞道宸遊臨太  
液龍舟鳳管畫樓邊

八月十七日萬壽聖節賜白金文幣及鏤金萬壽福

祿篆字銀書黃朱靈符等物歲以爲常

華清祥開禁籞天恩光每覺近臣偏角加白璧來天上錦散紅

雲出日邊裁就靈符華舜且鑄成寶畫記堯年銜恩效祝慙無  
補金鑑先時獻御筵

十一月二十九日聖母萬壽聖節賜金幣鏤金篆字

黃朱靈符等物歲以爲常

長樂凝和婺彩光侍臣沾貺聖恩長璆琳內苑開銀甕雲錦天  
機隱御香鳥跡呈書仙算永龍文紀瑞寶符黃朝來碧落簫韶  
度內殿親稱萬壽觴

冬至恭侍慶成大宴

南郊夜燎泰壇煙內殿朝開大慶筵兩陛衣冠承湛露千門鐘  
鼓震鈞天親瞻玉几雲霄上久汎仙杯日月邊温旨三傳咸已

詩林部漢卷第十 賜賚

三

醉歡聲動地未央前

宴中三奉玉首初云官人  
酌酒再云斟滿三云飲乾

甲戌七月奏進穆廟寶錄賜白金文綺宴於南宮

紉書金匱愧非才曾是先朝侍從來鷓列趨隨蘭檢進龍衣立  
待石函開濡毫每憶攀頽望珥筆新承賜錦迴大典已成鴻號  
永聖心南面尚含哀

賜畫面川扇

九華綵扇貢巴東午日承恩出漢宮雲影金泥黃帕解花開寶  
繪玉函空擎來濯錦江頭月動處坡香殿裏風自是君恩在懷  
袖惟將皎潔矢丹衷

賜鮮筍



殊錫光生玉筍班曾從青簡賦檀藥蒲筐乍解香盈座錦箨初  
分綠滿盤一飯疑含仙禁雨三秋猶憶北窗寒慚無鳳實儀千  
仞祝有龍孫長萬竿

賜鮮藕

芙蓉別殿曉風涼玉井靈根出水香薦熟方聞開寢廟賜鮮已  
見布朝堂冰絲欲斷鮫人縷瓊液疑含闥苑霜憶昨金鰲橋上  
望紅衣翠蓋滿銀塘

賜鮮枇杷

嘉名漢苑舊標奇北客由來自不知綠萼經春開籠日黃金滿  
樹入筐時江南漫道珍盧橘西蜀休稱薦荔枝千里梯航來不

詩林韶濩卷第十 賜賚

三

易懷將餘核志恩私

賜鮮桃李

講罷傳宣殿左廂分將苞品燦盈筐官桃剖出丹霞冷仙李沈  
來碧玉香方朔瑤池人汗漫安仁金谷賦荒涼懷恩正恐虛秋  
實不羨春華吐豔陽

賜鮮鮓魚

六月鮓魚帶雪寒三千江路到長安堯廚未進銀刀鱠漢闕先  
分玉露盤賜比羣卿恩已重頒隨元老遇猶難遲回退食慚無  
補仙 年年領大官

已卯春以病在告上疏乞歸值聖體違和旋卽萬福

再賜萬喜金字白金文綺於私第拜恩

春朝華祝動仙班，寂莫詞臣尚閉關。七日曾疑遊帝所，一春全未覩天顏。簪符已奉期門送，金帛還從臥閣頒。長使聖躬承昊貺，歸山魂夢亦應閑。

癸未甲申三扈聖駕上陵賜大紅織金曳撒鸞帶等物

閣門五夜聽傳呼，受賜先從左闕趨。繡帶平懸金鑿落，鞞囊斜挂錦襜褕。行隨豹尾陪天仗，立傍螭坳夾御爐。卻笑甘泉稱侍從，不知原廟似今無。

甲申春月扈從車駕奉兩宮聖母閱定壽宮賜綵花

詩林韶濩卷第十 賜賚

文綺等物

鑾輿三駕碧山隈，墨食欣傳福兆開。地擁真圖連朔塞，天畱紫蓋作軒臺。兩宮共倚璇丘望，萬乘親扶玉輦陪。遙見黃門傳散綵，紅雲朵朵下山來。

丙戌廷試讀卷賜宴文華西室遣內監出陪側也

臨軒五度擢英才，品第連朝直帝臺。香案前頭文字進，殿門西畔俎筵開。清班許從元公列，尚宴傳教內監陪。聖代得賢應有頌，遭逢惟祝泰方來。

丙戌秋月以皇次子生賜萬喜金字綵花金幣等物

西宮送喜到宸旒，侍從恩隨禁苑優。勝翦雙枝花作采，金鑄萬

喜字當頭他年茅土應藩漢此日珪璋早頌周共識昭陵多王  
氣年年春色滿龍樓

丙戌冬至南郊扈駕聖母軫念天寒特賜薑蘇杏仁  
一盒

黃門飛鞚到天壇傳道東朝賜講官祗爲甘泉勞扈從特從溫  
室下盤飧調蘭欲動先春色新桂渾消午夜寒慈念殷勤知有  
望慚無一字罄衷丹

丁亥二月奏進大明會典賜白金文綺宴於南宮仍  
給三代誥命

九朝謨烈玉書藏祖德宗功萬祀昌漢代不須條故事周家惟

詩林韻藻卷第十 賜賚

孟

用考前王頒恩內省溫綸降賜宴南宮廣樂張就裏儒臣稱最  
渥特煩三錫下龍章

戊子九月壽宮隨駕步視寶城還於東廊稱賀玉音  
宣勞賜茶竝賚綵花文綺等物

朱樓絳闕冠層霞玉軼金支駐翠華元相幄中分御錦侍臣冠  
上珥官花仙城步闕教隨駕別殿常參命賜茶可道龍顏多喜  
豫萬年福地屬皇家

巳丑六月三品考滿荷蒙聖恩遣內使及門齋賜羊

酒寶鈔

典禮南宮侍禁筵還因奏績荷恩偏牢尊特遣中涓賜楮幣親

從少府傳漫擬恩華同八座猶將名字廁羣仙多慙袞職曾無  
補一卷牙籤十四年

辛卯九月乞休得請欽遣內使齋賜路費寶鈔次日  
又遣內侍齋賜白金文綺蓋六卿日講各有特恩

也乞休十疏始抽簪敕使連朝出禁林備物卿臣元自厚殊榮  
講幄舊來淡初衣已卷天機錦歸橐猶留內殿金慚負宸慈何  
以報惟將丹旻效餘箴

賜貂紀事用福清少師韻二首

孫承宗

温綸初下臘全消百萬同看帝賜貂鷲鶴陣成青海岫鸞鳩行  
對紫宸朝華顛老盡兜鍪重甲首謹騰塞馬驕拜罷明恩還手

詩林韶濩卷第十 賜賚

壹

額不知何箸借籌筵

遙向龍亭叩帝闈威儀爭識漢官尊有韓差可驚西瞻非準應  
慙壯北門天覆華夸渾布暎春回頂踵盡知恩年來將士無誰

久為感絲綸竟日喧

詩林韶濩卷第十

詩林韶濩卷第十



